

# LISWAYO LA BUNE

 Ki manzibwana. Luinamiseñi litoho za luna cwale fa nako nyana, kwa tapelo.

<sup>2</sup> Ndata luna ya Musa mi Yakwa Lihalimu, lwa Ku atumela hape busihu cwana, cwale, ka Libizo la Mulena Jesu, kuli lu Kufe buitumelo ka lizazi leliñwi. Mi lu kupa cwale lumbuyoti za Hao mwa sebelezo busihu cwana. Lumeleza kuli Moya o Kenile utahe ni kulufa toloko ya litaba ze lubata ka tokomelo zee. O Mulimu, ha ibe taba yende luli kuli kaufela lu putehanele fa Linzwi mwa nzila ye cwalo, kuli, ha lu ka zwa, lukone kubulela kuli, “Hanili lipilu zaluna ne li cisa mwahala luna ha Na sweli kuambola ni luna mwa nzila?” Lu itumela ku Wena ka Sa bile sona ku luna, ni kusepa kuli Uka siala ona cwalo ni luna halunze lu zamaya cwalo musipili, Kakuli lu kupa ka Libizo la Jesu. Amen.

<sup>3</sup> Ki tabo hahulu fa kukuta mwa ndu ya Mulena, busihu cwana, mwa sebelezo hape! Mi lu tabile. Ni tabile hahulu kuli . . .

<sup>4</sup> Ne ni nahana fela kuli Ye haina kutaha, kono kwa nalule-lule Itile ni yona. Mi kacwalo Ni itumezi hahulu, kuli kakuba ya mafelelezo ya bapahami ba lipizi babane, yeo Ni nahana kuli ki iliñwi ya Mañusa amatuna a butokwa kwa Keleke ka nako yee.

<sup>5</sup> Ha ni zibi kuli Yeñwi ki ifi. Ni liinga fela zazi ni zazi, kuya ka Mo a Li patululela. Ni lika ku—ku Li tisa, ka . . . kuya ka Mo a ni fela Zona.

<sup>6</sup> Kikuli musweli kuikola li—li lumbuyoti? [Kopano ili, “Amen.”—Mu.] Kikuli mulemuhiile fela mo Li tahela ka tamahano ni masika a likeleke ani, kuya fela ka mo Li tamahanelia hande ni ona? Kona mo li . . . Ku na, kubonisa kuli ki—ki Moya o Kenile o swana ono file masika a likeleke, Moya o Kenile oswana kona otisa Se, mwa bona, kakuli li tamahani hamoho; kamukana ki kezo yetuna ya Mulimu, ya Iponahalisa ka mikwa ye shutana.

<sup>7</sup> Mu lemuhe, ha Na iponahalisize ku Daniele, mwa lipono, nekuna ni kuba taluso ya sesiñwi, sina pu—pu puli mwa sibaka, kamba mwendi kota; mi sibaka se si tatama iba sibupiwa. Ni—ni—ni lika za Na ezize, ku lieza, nto yeswana ka nako kaufela, mubone hande kuli ha lu li lyanganisi.

<sup>8</sup> Cwale, Ne ni tabile hahulu fa nako nyana yefitile, Ne ni ambola ni kalibe yainzi fa, mwendi una ni myaha ye eite-faifi yya kupepwa. Mi u . . .

<sup>9</sup> Haki kale, Ni si ka funduka kale kuliba kwa wiko, kiñi, nekuna ni—ni musizana nyana kwani kwa Ohio, fani neli, Ni sepa kuli, na katazwa ki butuku bwa lukimia. Cwale, lukimia ki

kansa ya mwa mali. Mi, oh, nto nyana yene liteni, mwa ziba, neli buino bobu maswe luli, kuli nekusina sepo ni yekana ka yena. Nebasweli ku mu cisa lico ka misinga ya hae, neli kupazuliwa. Mi kacwalo neli lubasi lwa sibotana hahulu. Mi bona . . .

<sup>10</sup> Musala Bo. Kidd, fa, ni Muzwale Kidd, ba ba bulelela za kuli Mulena wa alabanga litapelo hande. Mi bataha hamoho, Na sepa, ni kubiza yomuñwi, ni kutisa musizana yani kwateni. Mi yena neli musizana yomunde yomunyinyani, mwendi, oh, sikisi, sebene myaha ya kupepwa cwalo. [Kezeli uli, "Myaha ye naini."—Mu.] Myaha ye naini. Mi—mi nali mwa muzuzu kwa mulaho. Mi kiha . . .

<sup>11</sup> Mi se luya fapila Mulena, Moya o Kenile wa tisa linzwi ku yena. Mi ne bana ni ku mu nanula, ni ku mu cisa, mwa ziba, ka nzila yeo. Mi ha yo zwa, na lilela sinkwa sa nama ni miloho fahali, mi, kacwalo, aca lico ka mulomo. Mi se ba mu fa sinkwa seo, mi azwelapili fela inza ca handende sina sapili.

<sup>12</sup> Mwa nako yekuswani fela, mazazi a likani, ba mu kutisa ku dokota. Mi ba . . . Dokota apalelwa ku utwisia. Ki hali, "Mane inge, kuli haki yena musizana wateni." Mi ali, "Kiñi, hakuna—hakuna neba sisupo sa lukimia kuyena, hakuna, hakuna niyekana mane." Kacwalo, mi, na nza shwa. Ne se ba musupile munwana; neli ku muciseza lico mwa misinga. Na sa fetuhile mubala wa yelo. Mwa ziba mo ba belanga. Mi kacwalo ba . . . Mi cwale wa kena sikolo, wa ipapalela ni banana babañwi, yatezi tabo luli mwakona kubela.

<sup>13</sup> Si ni hupulisa taba yeñwi yateni. Zazi leliñwi, Ne ni sa zo taha fela kwa ndu, nekuna ni . . . Haiba ha Ni si ka libala, neli ba Episcopalian kamba batu ba Presbyterian, bene ba tisize musizana cwana kuzwa kwa Kansas. Mi madokota ne se ba mupalezwi, bakeñisa lukimia. Mi ba mu palelwa, Na lumela, neli mazazi amane akupila; na sa bile maswe hahulu. Kona kuli ba ikataza ka mazazi amane ao kutaha kwanu, mwahala linzila ze kangezi ni zeñwi, mwa mishitu, kuli ato lapelelwa. Mi bo kuku wa hae ba baana, muuna muhulu, yabonahala hande, limbi twaa kwa toho.

<sup>14</sup> Mi ne se bali ni yena, foo, mazazi amabeli, kwanu mwa motela. Ni—Ni sepa kuli haisali yo cwale, neku la kwa Silver Creek. Mi kacwalo Na ya kwani busihu bwani ku yo mu lapelelwa. Neli kakusasana hahulu. Na taha mwani busihu bwani, kuzwa kwande a tolopo, ni ku kuta. Mi ndatahe wa mucembele . . . kuku wa hae nasweli kuzamaya zamaya. Mi, bomahe, inge basweli kubona mwana.

<sup>15</sup> Mi a Ni kubama kuli ni lapele, Moya o Kenile wa ni patululela kunutu fani neli mwahala bo—bo bomahe ni bondatahe, kuna ni sene ba ezize. Na ba bizeza kwa tuko ku ba buza ka sona. Ba kalisa kulila, bali, "Yeo ki niti."

<sup>16</sup> Mi Na talima kwa mulaho, mi Na bona musizana yasweli inge atula muhala, onacwalo, inga bapala. Mi cwale mwana yomunyinyani yoo... Mwahala nakko ya lisunda fela zetalu, ba ni lumela siswaniso sa musizana, ukutezi kwa sikolo, ubapalisa muhala inza tulaka, asina lukimia, ni yekana.

<sup>17</sup> Cwale, cwale, bupaki boo shangwe ki niti yetezi hande, mwabona. Kacwalo, Mulimu wa luna wapila kaniti, mwa bona. Lu Mu sebeleze fela ni—ni ku Mu lumela. Mi—mi Ni—Ni ziba kuli Utensi luli.

<sup>18</sup> Cwale, Ni lika mo ni konela cwale, mi inge kuna ni sika, mwahali, mwahala luna, se si beleke ka nzila ya Sona. Mi cwale lu ka lika, busihu cwana, ka sishemo sa Mulimu, kunga Liswayo la Bune lee, ni kubona seo Moya o Kenile uka bulela, ku Zona.

<sup>19</sup> Cwale Ni ka bala si—si Sinulo, kauhanyo ya 6, ni kukalela fa timana ya 7; ya 7 ni 8. Kuna ni li litimana zepeli kamita; yapili ki zibiso, mi timana ya bubeli ki sa na boni.

*Cwale ha mamulula liswayo la bune, Na utwa linzwi  
la sibupiwa sa bune—bune ha si li, Taha u tobona.*

*Mi ha Ni talima, na bona pizi ye seta: mi ya ipahami  
libizo la hae (yana ipahami) ki Lifu, alatelezwi ki sibaka  
sa... sa babashwile. Afiwa mata fa sibaka se si likana  
kakululo ya bune ya lifasi, kubulaya batu ka lilumo, ni  
ka tala, ni ka lifu, ni ka... libatana za mwa naheñi.*

<sup>20</sup> Cwale, Mulena alutuse ku utwisisa Se cwale. Ki kunutu.

<sup>21</sup> Cwale, ki kutalimela fela nyana kwa makalelo, kuli lukalise taba, sina mo ne luezelize mwa masika a likeleke, bapahami ba ni ku kwaluha kwa Maswayo aa. Cwale, kona kuli lu libe fela ni zona mwa minahano, luambole fela nyana kufitela lu ikutwa kuli kwa swanelia kukutaza cwale.

<sup>22</sup> Cwale, lu lemuhile cwale, kuli, kukwaluha kwa Maswayo, ki Buka ye swailwe ya Puluso. Mi cwale Buka i putiwa cwana sina litapa, mane inge mwa mikwa ya kale mone kuinezi.

<sup>23</sup> [Muzwale Branham ubonisa mwa kutatela ni kuputa kwa litapa, ka kuitusisa mapampili amabeli—Mu.] Ne si buka ya mufuta woo; kakuli ye kona i sa zo taha fela mwateni, libuka za mufuta woo, kwa mafelelezo, oh, Ni sepa ka myaha ye mwanda ni ye mashumi aketalizoho, kamba nto yecwalo, myanda yemibeli. Mi kipeto ne ba i puta, ni kusiya kaka comohile kwa mafelelezo. Sina ha Ni mi bulelezi mo li ezezwangwa, mi Mañolo, kwa ku a fumana, mi ni mwa Jeremia, ni amañwi cwalo. Yetatama ne i tatezwa kuyona, kipeto mafelelezo aiyala inge a lepelela, mi iba sina cwalo.

<sup>24</sup> Mi yeñwi ni yeñwi neiba Liswayo. Mi neli Buka ya maswayo a sebene, mi neli ya... Hakuna neba... Hane bali... Neli Buka ya maswayo a sebene ya Puluso. Muni swalele.

<sup>25</sup> Mi, he, nekusina wa mwa Lihalimu kamba mwa lifasi, kambe neba mwatasa lifasi, ya na lukela ku I apula kamba neba ku I talima. Mi Joani alila, kakuli nasika fumana mutu ni yomukana...Kakuli, haiba Buka yani ne si ka ngiwa ku Muña yona...Kikai, ne I latehisizwe ki Adama ni Eva, mi ya kuta, ba ma no itoboha litukelo za bona za Linzwi, lisepiso, buswa bwa bona.

<sup>26</sup> Bona, muhupule, ba zamaisa lifasi. Na li—na li mulimu yo munyinyani, kakuli na li mwana Mulimu. Mi mwana Mulimu ki—ki—ki mulimu yomunyinyani. Cwale, zeo ha li shutani kwa Mañolo. Ni ziba kuli zeo liutwahala bunca.

<sup>27</sup> Kono Jesu naize, “Haiba mubiza bao, Linzwi la Mulimu li tezi bona...” Mi kana Linzwi la Mulimu litahanga kubo mañi? [Kopano ili, “Bapolofita.”—Mu.] Bapolofita. “Haiba mubiza bao, Linzwi la Mulimu li tezi bona, ‘balimu,’ mu ka Ni nyaza cwani Na ha Nili kina Mwana Mulimu?” Mwabona?

Mi, cwale, ne bali balimu.

<sup>28</sup> Mi mutu, haiba u pepwa mwa lubasi lwa libizo la lubasi lwa henu, u mwana, mi usiembra sa bo ndataho.

<sup>29</sup> Mi cwale—cwale sibi ha si taha, lwa fumana kuli mutu asila museto. Mi—mi mali a lipoho ni a lipuli, na apesa, kono na sa takuli. Kufitela, Mulyani wa niti utaha, ono kona kuzwisa maloteli a sibi ni ku si loba kufeletelela mwa liemba-emba, ni ku si luma ku mukalisi wa sona, yani ki Satani.

<sup>30</sup> Ha si yo fita ku Satani, ulibezezi nako ya hae ya kusinyiwa wa Kuyakuile. Cwale, zeo libonisa ze lu lumela. Lu lumela kuli uka sinyiwa kufeletelela luli ni kuyundiswa.

<sup>31</sup> Ni lumela kuli sibi si ka lubiwa. Mi ha si bulezwi, kuya ka mayemo a Mali a Jesu Kreste, kuswana sina liloteli la enge ye nsu ya mulyani wa Clorox wa kutapisisa. U ka si shengununa kaufela, ni ku si luma ko si zwile. Mwabona? Mi kona sa ezanga ni Mali a Jesu Kreste.

<sup>32</sup> Mi, seo si beya mutu mwa lisuba hape, sina mwana Mulimu. Mwabona? Mi cwale uba—cwale uba mu—mu...Kiñi, neba yena... Mata a Mulimu a kubupa a ku yena. Mi, mbwesha, nako kaufela Mulimu ha laela kuli si ezahale, si ka ezahala. Mi lwa kuta. Kuli hakuna ni—ni...

<sup>33</sup> Mushe, mwatasa mali a lipoho; mi ha yo katana Liseli lani, Siita sa Mulilo mwa sicacani se si tuka sani. Mi a yema, kulo kwani, fa tumo ya na mufile Mulimu. Mi na li mupolofita. Mi cwale Linzwi la Mulena ha li taha ku yena, a bulela, mane neba lika ze bupilwe ki Mulimu. Mwabona?

<sup>34</sup> Cwale, haiba li ka eza cwalo mwatasi a zeo, mali a lipoho, kucwani he ka Mali a Jesu? Isiñi ku apeswa; kono kutakulwa, kufeletelela. Mi u yema Fapila Mulimu, sina mwana ya liuluzwi. Cwale, mwabona, Keleke i kwahule hahulu mwa mayemo a

kupila kwa yona. Mi Ni nahana, linako zeñata hahulu, lusweli kuipeya mwa litukiso kufita kutalimana hande ni litaba.

Ni na ni se Ni bata kubulela, mi Ni—Ni ka bulela ka nako yateni.

<sup>35</sup> Mi cwale mulemuhe kuli kuna ni se si fosahalile kokuñwi mwa likeleke. Mi Ni sepa kuli ki milao ya likopano ye lyanganisize minahano ya sicaba, ni zeñwi cwalo, kufitela bapalelwa kuziba mwa ku liezeza. Yeo ki niti.

<sup>36</sup> Kono lu sepisizwe kuli Li ka patululwa. Mi cwale ki ao Maswayo Asupa o iswailwe Buka ye ka ona. Mi Maswayo Asupa cwale . . .

<sup>37</sup> Mi cwale kasamulaho wa Maswayo Asupa afela aa, lu fumana, mwa Sinulo 10, nekuna ni Mishika ya pula ya kuntu ye sebeni yana lukela kuñola Joani, kono a haniswa kuli asike a i ñola. Mi ka nako ya Mishika yani, lu fumana Kreste, kamba, “Lingeloi le li shetumuka ni nambwamutalati, mi la hata lihutu la Lona fa mubu ni fa liwate, ni kutapanya kuli nako ne se i felile, ka nako yani.”

<sup>38</sup> Mi cwale lufumana—lufumana cwana, kuli mwa kupatulula kwa Maswayo, kuli mane—mane Ngunyana na zwile mwa musebezi wa Hae wa kukupela lifosi sina Mulapeleli, mi natile cwale ku to nga liswanelo za Hae, kaufela ba Na liuluzi ka lifu la Hae.

<sup>39</sup> Mi, cwale, hakuna ya na kona kuapula Buka. Hakuna ya na I utwisisa. Neli Buka ya Puluso. Mi Mulimu Ndate, Moya, na I sweli mwa lizoho la Hae, kakuli Kreste nali fa Lubona sina Muyemeli, ili yena fela Muyemeli anosi. Kabakaleo, nekusina muhalalehi, hakuna Maria, hakuna Josefa, hakuna sikamañi kaufela, fa aletare, kakuli ne li Mali. Mi ki Mali a Jesu fela anakona kutisa swalelo, kacwalo hakuna ze ne ka yema sina Muyemeli. Yeo ki niti. Nekusina sika kaufela.

<sup>40</sup> Kona kuli ona milelo ye kaufela ya kukupela ni Jude kwa litaba za naha, ni kukupela kwateni Saint Cecilia kubata sika, boo ki bukuba. Zeo ha kizona . . . Hani—Hani buleli kuli batu bani ha ba sepahali ni kuikolwisisa. Hani buleli kuli hamuna buikolwisiso ka kueza cwalo, hamueza zeo. Kono, mwa fosa, mwa—mwa fosa kaniti. Mi sika kaufela . . .

<sup>41</sup> Ba li, “Kihande, li—li Lingeloi le, lene—lene li bonahalile ku Saint Bonifer ni kubulela *se, sani*, ni *sesiñwi*. Mi ba lukela kubbulela sa *kuli*.” Hani kakanyi neba hanyinyani, mwa munahano waka, kono ki pono yaboni mutu. Hani—Hani kakanyi kono kona za na boni Joseph Smith mwa pono, kono ne i sa zamaelei ka Linzwi. Kacwalo he, ku na, i fosahalile. Mwabona? Ina ni kutaha hamoho ni Linzwi.

<sup>42</sup> Kona masika a likeleke, ni Maswayo, ni amañwi a Zona kaufela. Mi cwale mutu ha nahana kuli una ni Mishika ye

Sebene yeo, haiba ha li swalisan ni Linzwi kamukana, kuna ni se si fosahalile. Mwabona? Lina ni kutaha kuli, SA BULELA MULENA KISONA, kakuli Ye kona Buka yateni. Ye kona Sinulo ya Jesu Kreste, mwa mutalelela wa Yona.

Cwale, Na—Na lumela cwale kuli Ngunyana natile.

<sup>43</sup> Ne ba sa zibi. Joani na sweli kulila. Na si ka fumana mutu, mwa Lihalimu, mwa lifasi, kakuli kaufela bona nebali kwabuse bwa mukoti, mwabona, sibi. Nekusina mutu . . . Mi Lingeloi, kakuli, Ne lika swanelia, kono, ka mo kuinezi, ne ku lukela kuba Muhaesu mwa lubasi. Ne i na ni kuba mutu. Mi nekusina sika se si cwalo, kakuli mutu kaufela na pepilwe ka foso.

<sup>44</sup> Na tokwa Alimuñwi Ya si ka pepwa cwalo. Kacwalo Mulimu Kasibili akezeza zona, mwa kupepwa ku mwalanjo, mi aba Emanuele. Mali a Hae cwale, kihande, Yena ya na swanelia. Mi ha Na silile mukoti wo, yena Kasibili, mi a lifa tifo ni kutamahanya nzila ku luna kaufela, mi ki Haina fasasi, kuli Muyemeli. Mi Ubile ainzi cwalo.

<sup>45</sup> Mi Buka se i kwalilwe, nako ye kaufela. Iteni kwani, kono I mwa lisupo. Neba I boni. Joani mane na I boni. Zibiso, yapili ha i taha, ne iize, “Pizi yesweu yaya; neina ni mupahami ku yona; yana sweli buta mwa lizoho la hae.” Seo ki sisupo. Zeo ha li sika patululwa. Batili. Ki sisupo. Mi, kuya ka mutu kaufela mwa lifasi, kona za na bulela. Yeo ki niti. Wakona kusitatala ni kutantalika, hakuna kukakanya, a i cuncule *fa kamba fani*, mi kasamulaho nyana.

<sup>46</sup> Kono lufumana he, cwale, kuli mwa Buka ya Sinulo, “Kwa Liñusa la lingeloi la busebene, likunutu (likunutu kaufela za Teni) li lukela kupatululwa ka nako yeo.” Cwale, yeo ki Sinulo 10:1-7, kuli Li na ni kupatululwa kuya ka nako yeo, ka nako yeo Ha peta cwalo.

<sup>47</sup> Mi Mishika ye Sebene ya utwahalisa manzwi a yona, mi Joani na bata kuli añole. Kono, Joani na Li ziba, kono na—na si ka Li ñola kakuli na hanisizwe ku Li ñola. Yeo ki niti, mi kaufela hamoho, ki kunutu. Mane ha ki sisupo kamba sika sifi kaufela. Lu ziba fela kuli Yena . . . Ne li mushika, ku felile.

<sup>48</sup> Mi cwale ka kubala se, cwale, musike mwa libala, cwale, la Sunda, kamba la Sunda kakusasana, lu zwisize fateni sebelezo ya foliso ya kuba ni likalabo kwa—kwa lipuzo za sicaba. Cwale, Ni bata kuli mube ni puzo ka Maswayo Asupa aa, haiba a mi kataza, kuna ni sika se mu sa utwisisi. Ha lu be ni ni zona kuama Maswayo Asupa. Kipeto Na kona kuziba, la Pelekelo busihu, haiba ku ka likana kuli—kuli lu alabe, kamba nee, mwa bona. Mi cwale ona fa cwana, lubulele fela kuli, kihande, ka nto isili fela, kamba, “Kikuli Ni eze *sakuli?*” Kamba—kamba, mwendi ubile ni tolo. Zeo, zeo kaufela ki lika ze swanelia, cwale, muhupule. Ki lika ze swanelia. Kono ha ku ineleleni pili ni Maswayo Asupa. Kona ze lusweli kutilima zeo. Halu . . . Kona

zeo mu—mu mukopano o ubezi teñi, ki Maswayo a Asupa. Ha lu ineñi pili ni Zeo.

<sup>49</sup> Ni lukela kuya kwa ndu, ni lukela kuba ni mikopano yelikani kwa wiko. Ni ka yo kuta hape nako yeo, mwa nako yekuswani fela mwendi kweli kamba zepeli, kamba nto yecwalo, mi mwendi Mulena uka lumeleza kuli lube ni sesiñwi fa taba yeo, mwendi sebelezo ya foliso kamba nto yeñwi fela, kamba seo kaufela luka... kaufela seo sili sona.

<sup>50</sup> Mi luna ni Litolombita ze Supa fa, ze na ni kutaha hape, mwa bona. Mi zeo kaufela litaha mwateni, hamoho. Mi ni Manaka Asupa, mwabona, kuli a suluhe. Kacwalo, mi kaufela li ka tamahana mwateni mo, kono kaufela ki likunutu niteni.

<sup>51</sup> Cwale, maabani busihu... Lu fumana kuli Liswayo Lapili ha ne liya, ni mupahami... Mi Mulena... Kacwalo ni tuse, Ne ni sa li zibi sapili. Hakuna neba nto yekana yazona yene Ni zibile sapili. Yeo ki niti. Mi ha Ni zibi fela.

<sup>52</sup> Ni yanga fela, ninga Bibebe ni kuinafafasi, ni kuina fani kufitela Si kala kukwaluha ona cwalo. Ni nga fela siñoliso saka ni kukala kuñola. Ni kuina fela ona fani, mwendi lihola, kufitela Si ba—Si fela.

<sup>53</sup> Kipeto Na kuta, mi Ni fumana kuli, sina ha Ni bona Fa bulelezi Se. Ni hupula kuli, "Kihande, kubonahala kuli Ni bone seo kokuñwi." Ni nga buka yaka ya litaluso za manzwi, nikala kutilima mwateni. "Kana kuna ni nto ye Cwalo? Mi ki Se fa ona fa *cwana*. Mi kipeto ki Se ona *fa* hape. Mi ki Se fa kwamulaho *fa*, ni *fa*, ni *fa* hape." Kipeto Ni Li tamahanya fela hamoho. Ni ziba kuli yoo ki Mulimu, haibile fela Li tamahanya Mañolo kwa Mañolo. Kona mo Li na ni kuezeza. Inge fela kubeya muhaho hamoho, macwe ana ni ku kwana, licwe ka licwe.

<sup>54</sup> Cwale, maabani busihu nelubile ni ku kwaluha kwa—ku kwalula kwa Liswayo la Bulalu. Pili neli pizi yesweu, mi yetatama neli pizi ye fubelu, mi kona kutaha pizi yensu. Mi lu fumana kuli bapahami neli mupahami yaswana, ka nako kaufela; mi yani ne li antikreste, ka kukala. Na sina ku—ku kuwaní ya bulena, kono a amuhela iliñwi kasamulaho. Mi he lufumana kuli na filwe mukwale, kuli azwise kozo mwa lifasi, mi lufumana kuli kona sa na ezize ona seo. Mi ki ha taha ni lituto za kufana, keleke ni masheleñi, ka kubeya fa sikala *se* si leka bukana, ni likala zepeli bukana bwa *sani*. Kono na hanisizwe kuswala Oli ni veine, yene siyezi mwa bunyinyani bwa yona.

<sup>55</sup> Mi cwale lufile, maabani busihu ne lu siyezi fa, taluso ya seo Oli ni veine neli yemela, ni mata o ne Li nani. Mi lubile... Hakulata ne li utwahalile kashwau nyana, kono Na... neli fela Niti yeswanelia. Mwabona? Cwale, ne lu siyezi fa kuli... Halu, ka linako nyana fela, lufituluke mwateni cwale. Mi cwale ne lu siyezi, fa mata a veine, seo Oli ne i yemela, Moya. Cwale, Ni sepa kaufela mina mu li ñozi. Mu ka li fumana fa tepu, haiba ne mu

si ka li ñola. Ni kwa ku fumana Mañolo, kuli, akuli oli kamita i yemela Moya o Kenile. Sina balanjo ba likuba bene basina Oli, balanjo baba butali ni Oli, ili ona Moya o Kenile. Mi cwale ha lu kuta, mwa—mwa—mwa bapolofita, ni babañwi cwalo. Mi cwale Na . . .

<sup>56</sup> Kakuli, ha Ni liki kushitulanga Mañolo kaufela mwateni mwani. Mane kuna ni lika ze musakoni kubulela; li ka nga nako yeñata hahulu. Kono Ni lika kubeya kulo fa, ka Mañolo ni zeñwi cwalo, alikani fela kuli nife sicaba kuli ba zibe ni kubona siswaniso sa Teni. Kono ha ne mu na inafafasi ni iliñwi ya Maswayo ani, kiñi, mawi, mwakona kutanda kweli mutumbi ka likutazo busihu ni busihu, ona fa Liswayo lani fela, mane ni cwalo ha mu si ka Li ngunyuta mane, mwabona, ku iliñwi ya Ona. Mi kona—kona buñata bwa ze li ku Ona. Kono, ki kunata fela fa litaba zetuna za Ona, kipeto mwakona—mwa kona kubona Zeo lili zona.

<sup>57</sup> Cwale, sina oli ha i yemela Moya o Kenile. Mi lufumana kuli oli ni veine li tamahani mwa milapelo, mwabona, kamita li tamahani mwa milapelo.

<sup>58</sup> Mi veine, Ni iize, mo ne i tezi kuna, kuli veine i yemela kuli neli mata a—neli mata a susumezo ka sinulo. Mwabona? Mi foo ki ha ku patuluzwi sika. Si fa susumezo ku mulumeli, kakuli lifilwe ka sinulo. Mwabona? Ki sika sa bulezi Mulimu. Ki kunutu; habakoni ku I utwisisa, mwabona. Mi, kasamulaho nyana, Mulimu utaha ku to I patulula, mi ni ku I paka.

<sup>59</sup> Muhupule, haiba Niti i patuluzwi, Niti hape i ka pakiwa. Mulimu, kamita, hakuna taba kamba mutu ki ukona kuba ya talifile cwani, mwakona kubela ya na ni zibo mwa booko; haiba Mulimu ha yemeli za bulela, kuna ni se si fosahalile. Mwabona? Kiniti. Kakuli, ki Linzwi.

<sup>60</sup> Cwale, fani Mushe hanaile kwani mwataso susumezo ya Mulimu, ali, “Aku tahe linzinzi.” Linzinzi za taha. Ali, “Aku tahe limbotwe.” Limbotwe za taha.

<sup>61</sup> Mwabona, kucwani kambe naize, “Aku tahe linzinzi,” mi lipalelwaa kutaha? Mwabona, kipeto na—na si ka bulela Linzwi la Mulena, mwabona; foo kipeto u bulezi fela, u bulezi linzwi la hae. Hakulata na ka nahana kuli ku lukela kuba linzinzi. Kono, neku—neku si ka taha neba nzinzi yekana, kakuli Mulimu na si ka mu bulelela cwalo.

<sup>62</sup> Mi Mulimu ha ku bulelela sika, ni kubulela kuli, “Zamaya u eze sa kuli, Mi Ni ka ba ni wena, kakuli le ki Linzwi la Ka,” mi U si bonisa mwa Bibebe, kipeto Mulimu uka yema hande mwa mulaho wa sona. Mi haiba ha si si ka ñolwa mwa Bibebe, Mulimu uka yema mwa mulaho wa sona, nihakuli cwalo, haiba ki Linzwi la Mulimu. Mwabona?

<sup>63</sup> Mi haiba su kwande a zeo, si patululwa kwa bapolofita. Lu fumana kuli likunutu za Mulimu kaufela li zibahaliswanga kwa bapolofita, mi ki bona fela banosi. Mwabona, Amosi 3:7.

<sup>64</sup> Cwale, cwale, mata a sinulo atisa susumezo ku mulumeli. Kakuli, mata a veine, veine ya nama, ki kutabisa. Mwabona? Ki ku—ku kutisa mutu, ya felezwi ki tabo, kutaha kwa nyakalalo. Mwabona? Mwabona? Kihande, he, cwale, ki ao mata a sinuloya Linzwi, afa susumezo ya tabo ku mulumeli, susumezo ya ku kuliswa, susumezo yakuli Ipakilwe, I bonisizwe.

<sup>65</sup> I bizwa, mwa Mañolo kuli, sina ha lubata ku swanisisa ku yona, kuli “veine yenca.” Kamita lu swanisisanga ku yona kuba, sina, “Ba bakozwi veine yenca.” Mwabona? Ku lukile. Kamba, “veine ya moya,” Na sepa, kona toloko yende yelukela. Yakona kuba, fa “veine ya moya.” Sina veine ya nama mo i iponahaliseza mwa mata a kutabisa, kona ni veine yenca mo iinezi, sina ha I patulula Linzwi la Mulimu, yali yena Moya. Oh! Cwale kuna ni... yeo ki... Mwabona, Linzwi lona Kasibili ki Moya. Mwa lumela cwalo? [Kopano ili, “Amen.”—Mu.]

<sup>66</sup> Ha lu ibaleñi. Ha lu ibaleñi, Muhalalehi Joani 6. Halubeni fela... Ehe, kipeto hamuna—kipeto hamuna—hamuna kubulela kuli, “Kihande, cwale, ki mukete yabulezi cwalo.” Halu—halu boneñi Yana li bulezi, mi kipeto lu ka ziba haiba ki Niti, kamba nee. Muhalalehi Joani, kauhanyo ya 6. Ni kauhanyo ya 6, mi Ni lumela kuli ki sikisite... timana ya 63, ku lukile, Ni sepa kuli ki yona. Eeni.

*Moya ki ona o pilisa; nama ha i tusi se siñwi: manzwi  
a Ni mi bulelezi, ki moya, ni bupilo.*

<sup>67</sup> Linzwi lona Kasibili ki Moya. Ki Moya mwa mufuta wa Linzwi. Mi cwale, mwa bona, ha Li filwe bupilo, kamba kutiswa kwa bupilo, Moya wa Linzwi ukala kubeleka ni likezo. Mwabona? Kakuli zeo... .

<sup>68</sup> Cwale ha mu talime fa. Muhupulo una ni kuba muhupulo usikaba kale linzwi. Mi cwale muhupulo ha u bonahalisa, ki linzwi. Cwale, wo ki muhupulo wa Mulimu W'a beile mwa Linzwi. Mi cwale ha lu U amuhela kuzwa ku Yena, Uba Linzwi.

<sup>69</sup> Mulimu na patuluzi ku Mushe sa kueza. Mushe a si bulela, mi sa ezahala. Mwabona? Kona cwalo, foo ki ha si zwile ku Mulimu.

<sup>70</sup> Cwale lu fumana cwana, kuli—kuli Si—Si susumezo mi Si tisa tabo, kakuli Ki Linzwi la Mulimu. Mi veine yenca, veine yenca ya susumeza za... ha I patulula Linzwi. Mi, itisa tabo yesina tikanyo, fokuñwi. Lufitile ku zona, kuli litisa tabo yecwalo kufitela mutala tabo yetezi.

<sup>71</sup> Cwale, Ni ziba kuli kuna ni kufiteleza hahulu tumelo, ni sicaba sa zwelapili ona cwalo. Ni ziba kuli fokuñwi baezanga lipina halisweli kuliziwa kutulaka tulaka, ni lika kaufela. Mi Ni ziba kuli zeo za ezahala. Mi Na—Na lumela cwalo, nina. Kono

Ni boni batu mwa musihali hakuna ni, haibile fela lipina za liziwa, mañi ni mañi na tulaka ni kuhuwa; kono cwale lipina ha li kuza, ba tuhela. Mwabona? Na lumela . . . Kihande, zeo, zeo li sa lukile, kuya ka mo Ni zibela, mwa bona, haibile fela batu bapila hande. Mi . . .

<sup>72</sup> Kono, cwale, se, mukalisa kutisa Linzwi! Cwale yeo kwateren kona taba yetisa Bupilo, ki Linzwi, mi seo sitisa tabo ya susumezo ya veine yenca. Mwabona? Eeni. Mi kona mo ne kubeki fa Pentekota, nako ye li pakiwa Linzwi.

<sup>73</sup> Cwale mutualime. Cwale, Jesu na ba bulelezi, Luka 24:49, “Amubone, Ni mi lumela sepiso Ya Ndate; kono mu ye kwa Jerusalema mi mulibelete kufitela.” Ne li ifi sepiso ya Ndate? Joele 2:28, kiñi, lu fumana kuli, Uka ba “sululela Moya.” Mwa Isaya 28:19, mo ne kuka bela, “ka milomo ya ba silimi, ni ka puo ya batu basili,” ni lika zeo kaufela.

<sup>74</sup> Ba ya kwani. Mi sina ha ne lufitile ku zona, mwendi yomuñwi naize, “Kihande, Ni lumela kuli lu libelezi kihona kulikani. Halu amuheleñi felaka tumelo.” Yani neli tuto yende ya Baptist, kono ne i si ka beleka ni mizwale yani.

<sup>75</sup> Kacwalo he, taba yapili mwa ziba, neina ni kuba niti. Mi ba libelela bulumiwa bwa bona, kuli Linzwi li talelezwe. Mi ha mutaha kwa kubata Moya o Kenile, mueza ze swana.

<sup>76</sup> Eeni, wakona ku li amuhela ka tumelo. U lukela ku amuhela Kreste ka tumelo. Yeo luli ki niti. Mi u amuhela Moya o Kenile ka tumelo; kono kipeto una ni kulumeleza Moya o Kenile kutaha ni kukufa mupato, kakuba bupaki kuli U amuhezi tumelo ya hao mwabona. Mi, mwabona, “Abrahama na lumela ku Mulimu, mi abalelwa kulumela kwa hae kuli ki kuluka.” Kono Mulimu amufa sisupo sa mupato, ili kunyakisisa kuli Na amuhezi tumelo ya hae.

<sup>77</sup> Kacwalo kona nto yeswana ye luna ni kueza. Lu swanela kulibeleta Moya o Kenile kufitela U eza sesiñwi; isiñi kuli kakuli lubulezi ka malimi, isiñi kakuli lu binile, kamba lubile ni maikuto, lu huwile. Kufitela lu cinciwa; kufitela sesiñwi si ezahala luli! Hanina taba ka mufuta o si taha ka ona. Kikuli fela si ezahalile, yeo kona taba ya butokwa. Mwabona?

<sup>78</sup> Mi Ni lumela kuli kubulela ka malimi ni lika zeñwi ze kaufela li lukile, kono zeo fela linosi halina kubeleka. Mi muziba kuli halina kubeleka. Kacwalo, halina kueza musebezi.

<sup>79</sup> Ni boni baloi babasali ba bulela ka malimi, ni boni baloi babaana ba bulela ka malimi ni kubinela mwa moyo. Luli. Ba beya potolotofafasi mi iñola ka malimi asili. Mi yomuñwi wa a toloka, yeo ki niti, ni kubulela niti. Yeo ki niti. Kuñola fela ona cwalo ze ne zahalile, mi nelili fela ona cwalo ka swanelo. Mwaba bona ha ba ikwahela maluli kwa litoho za bona, ni kuipumaka ka litipa, ni kuitambaka mali a kokomu kamba nto yeñwi, ni—

ni, luli, mwabona, ni kubiza libizo la diabulosi. Kacwalo, mwa bona, zeo halina . . .

<sup>80</sup> Kubulela ka malimi hakuezi sesiñwi. “Ni ha Ni ka bulela ka malimi a batu ni Mangeloi, kono ha ni si na lilato, ha si ni tusi sesiñwi. Mwabona, niha Ni ka eza zeo!” Mwabona? Konakuli lika zeo ha li talusi kuli una ni Moya o Kenile.

<sup>81</sup> Kono cwale Yena, ki Mutu, yena—yena Moya ya sa shwi wa Kreste haba Mupulusi wa hao tota, ni ku kupilisa, ni kunepela minahano ya hao fa Kalvari ni fa Linzwi le, sesiñwi si ezahalile. Eeni, sha. Sesiñwi si ezahalile. Hakuna ya ka kubulelela ka zona. Uka ziba ha si ezahala.

<sup>82</sup> Mi veine yenca, ha i tisa sinulo, kipeto I—I patuluzwi.

<sup>83</sup> Mi kona mo ne kuinezi kwa Pentekota. Neba ziba kulli—kuli ne ku lukela kuba Moya o suluhela ku bona, mi ba libelela kufitela li ezahala. Mi cwale bupaki bwa sinulo bu mano nga sibaka, kipeto susumezo ya ba kwahela. Kaniti ne bali cwalo. Ba ikutwa mufutumala, mane. Bona, bazwela kwande mwa mikwakwa; kwani, kone ba saba sapili, mane ni kukwala minyako. Mi bazwela kwande mwa mikwakwa; kwani, kone ba saba sapili sikwata sa batu; ba yo kutaza Evangelii ku bona! Yeo ki niti. Mwabona? Sesiñwi sa ezahala, kakuli Linzwi la niti la sepiso ne li pakilwe.

<sup>84</sup> Cwale ha lu yemeñi fa mwa muzuzu. Haiba zeo ne li tisize mata a cwalo kubona, kuli mane ba—ba . . . Mane buñata bwa bona ba kwahela bupaki bwa bona ka mali a bona. Hakuna taba ka ze ne taha, haibile fela ne ba pila, ne ba si ka sika saba ku Zona. Ne li ineleta ona fani, neli Linzwi la niti la sepiso, le li pakilwe. Sinulo neiba ye pakilwe. Mi ba shwa, ba kwahela bupaki bwa bona ka mali abona.

<sup>85</sup> Cwale amutalime fa sepiso ya mazazi a mafelelezo. Mi fa luibona inge i pakiwa papila luna, ki—ki kubateni kwa kutaha kwa Moya o Kenile ni misabezi ya Na lukela kueza, mi luifumana hande mwahala luna. Mwabona? Oh, lu swanelo . . . Oh, mawi! Lukona ku utwa cwani? Kuna ni se si ezahala, Na ku bulelela, mulikani! Kanti wa luli, wa niti, ya sepahala, mulumeli ya lelilwe kale, Liseli lani ha li laita fa peu yani, sesiñwi si taha kwa Bupilo bobunca. Musali wa mwanana yani fa siliba!

<sup>86</sup> Mi, baprisita ba ba itutile bani ha ne ba bulela kuli, “Kihande, yo ki diabulosi. Ki munuhi wa litaba. Ki—ki kuli usweli fela kubulelela sicaba sani litohonolo la bona. Mi ki—ki diabulosi.”

<sup>87</sup> Kono, he, musali nyana yani ni peu ye lelile yani! Cwale munahaha kuli haki swanelo yeo? Kono Jesu ali, “Hakuna mutu yakona kutaha, kwanda kuli Ndate A mubize; mi kaufela ba Ni file Ndate ba ka taha ku Na.” Mi Uka . . .

<sup>88</sup> Mi antikreste, mazazi a mafelelezo, ukaba ni ku... Moya wa antikreste o lusweli kuituta, mwa buino bwa likopano, ni kupakiwa kuli buino bwa likopano bwani ki antikreste. Cwale, kwabuse, mutu kaufela wakona ku zamaya kuzwa fa sina cwalo, yena, kuna ni se si fosahalile, kono ni kuzwelapili kulumela kuli mulao wa kopano ha ki antikreste. Kanti, mane lipakilwe kale, kuzwa kwa ikale, kuzwa kwa lika kaufela ze li teni, mubatisise mwa Bibebe ya Mulimu kaufela ni zeñwi, ki antikreste. Mi Rome ki yona toho yazona. Mi ni bana babasizana zona likeleke za latelela mwa mulaho. Mi bubeli bwa bona ba nepelwa mwa lihele. Yeo ki niti. Kacwalo lubona taba ye, antikreste, moya wateni.

<sup>89</sup> Ni lizazi le lupila kulona, mi, kupalañi, li lukela kutisa “tabo ye sa konwi kubulelwa ni kanya yetezi.” Musali yani, nako yene si to mu taba sani, mawi, peu ya panya!

<sup>90</sup> Cwale, muhupule, Bibebe ibulela cwana, kuli mwa lizazi la mafelelezo, kuli antikreste yo uka “puma lifasi kaufela.”

<sup>91</sup> Ku kaba fela sikuwata se si nyinyani, be mabizo abona añozwi mwa Buka ya Bupilo ya Ngunnyana haisamba lifasi li tomwa. Mi cwale niti ya kupakiwa kwa Linzwi la Mulimu la Niti ha se i natile fa pilu yani, uka nata fa mezi, mi kwande ni Moya o Kenile, ka tata fela mwa konela. Mi hamukoni ku mutuhelisa ku lieza, kakuli Bupilo bobunca bu belekile.

<sup>92</sup> Ne ni ambola ni mutu, ha ki kale hahulu, na lika kuikambota ni na, mi na li, “Kana ha u swabi kubulela kuli Mulimu na ezize lihalimu ni lifasi mwa mazazi a mamalu?” Na... Kamba, “...mwa mazazi a silezi?”

Se nili, “Kona se i bulezi Bibebe.”

<sup>93</sup> Ali, “Kihande, luna ni bupaki mane lwakona kubonisa kuli lifasi lina ni myaha ma milioni.”

<sup>94</sup> Se nili, “Seo ne si sina sa kueza ni sona. Mwa Genese 1:1, I iize, ‘Kwa simuluho Mulimu na ezize lihalimu ni lifasi.’ Kipeto! Ku felile, mwabona. ‘Cwale lifasi ne li sina sibupeho, nelili fela.’” Mi se Nili, “Ni lumela kuli peu kaufela ne iliteni mwani, kuzwa ka zwelopili yeñwi kamba nto yecwalo. Mi haibile fela mezi a pahamiswa mwa halimu, ni liseli la monyeha fateni, kwa taha likota ni lika zeñwi kaufela.”

<sup>95</sup> Mi ki not yeswana ni mutu, ki mufuta wateni. Fani kaufela ba—ba—ba fahali hane ba zwile mwa nzila, mi Niti ye patuluzwi kwa peu ya niti yani inge iliteni fani, ne i sa kona kumela, mi Liseli la Evangelii ha likona ku i monyeha ka ponahazo ya niti ya Linzwi, i ka pila. Ina i Bupilo mwahala yona. I ka lumela. Kwande a seo, haina kupila; haina Bupilo ku yona.

<sup>96</sup> Mabizo ani na beilwe mwa Buka ya Ngunnyana ya Bupilo haisamba mutomo wa lifasi utomwa, ika zuha ka niti fela sina sika kaufela. Mi kona Jesu za inezi Kwani ni kulibelela mwa

musebezi wa Hae wa buyemeli, kufitela peu ya mafelelezo yani. Mi Uka ziba hande ha i nata.

<sup>97</sup> Sina Dr. Lee Vayle. . . Ni sepa usaliteni mwa mukopano kokuñwi. Ha ni si ka mubona seli mazazi. Ha ni sepi kuli Ni bu boni. [Muzwale u li, "Ki yo fa."—Mu.] Ki yo fa. Kihande, zazi leliñwi na ni lumezi kapepa, ka za na bulezzi Irenaeus. Kihande, Na nga Irenaeus, kuzwelela kwahule koo, kuli abe lingeloi la lusika mwa na pila. Kono ki hali, "Membala wa mafelelezo yani wa Mubili ha ta sile," mwa lusika lwa mafelelezo loo, "ulukela kuba . . . lika li ka patululwa ka nako yeo." Mi ki ze fa. Yeo ki niti luli. Mwabona? Lu mwa lizazi lateni. Ku lukile.

<sup>98</sup> Mi, Pentekota neili kwahule ni tabo. Ne ba tabile luli. Na sepa, kucwalo ku mutu kaufela.

<sup>99</sup> Ha lungeni fela nako nyana. Ha lu nahaneñi ka Davida. Na—na bile nyakalalo kaufela, niyena. Mi ali, "Sinwelo saka sa yuboka." Ni lumela kuli luli nabile ni—ni nako yende mwa bupilo bwa hae. Sikakamañi, kiñi ze ne muezisa cwalo? Ha na li mwa Moya. . . . Kakuli, na li mupolofita. Lwa ziba nali cwalo. Bibebe i bulezzi ona cwalo. Mupolofita Davida, cwale, kakuli na li mupolofita, mi nali mwa Moya, ki ha bona zuho. Haiba mutabela ku ibala, ki mwa Lisamu 16:8 kufita fa 11. Na ize, "Konohe mubili wa ka wa taba. Mawi! Ni—Ni pumula mwa kozo, kakuli Hauna ku tuhelela moyo waka mwa sibaka sa baba shwile; mane ha Una kutuhelela Ya Kenile wa Hao kubona kubola." Mi Na mi bulelela, sinwelo sa hae ne si yuboka, kakuli na boni. Hakuna taba kamba neli sikamañi; oh, na boni zuho, mi kaniti cwalo . . . mi sinwelo sa hae sa yuboka.

<sup>100</sup> Hape, Davida nana ni sinwelo sesiñwi se si yuboka, mwa Samuele Wabubeli, (bakeñisa kuli muna ni lipotoloto za mina), Samuele Wabubeli 6:14. Ne kubile linanga.

<sup>101</sup> Ne ba ngile areka. Sila ne si keni mwateni mwa areka ya Mulena, mi neba i ngile ni ku itoma fapila Dagoni, mane Dagoni awa ka pata. Ni ku iisa kwa munzi usili, mi likoto za taha. Ne li. . . Yani neli nto yecisa hahulu mwa mazoho a bona, kulo kwani. Mi ne ba palelwa kuzwa ku zona, kakuli ne li zwile mwa sibaka sa zona.

<sup>102</sup> Cwale, ha ba itoma mwa sikocikala, ni kutaha mwa mulaho. Mi cwale Davida ha bona kuli areka ya taha, mwa ziba za na ezize? Na—na bile ya tabezi hahulu, mane sinwelo sa hae sa yuboka; sa susumezo! Ha bona Linzwi li patululwa kwa Isilaele hape, abinela mwa Moya, a potoloha, kupotoloha, kupotoloha, kupotoloha, kupotoloha, ona cwalo. Eehe. Sinwiso sa hae sa yubooka, mwa bona. Kiñi? Na boni Linzwi ha likuta.

<sup>103</sup> Mi Ni sepa kuli zeo likona ku katulusa mutu kaufela ha bona, kasamulaho wa myaha ye kaufela; mi he ni Linzwi la niti, ka sepiso yakuli nelikaba teñi, ka kutiswa ni ku pakiwa. Ha ki nako niyeo! Haki nako niyeo!

<sup>104</sup> Cwale ha lu baleñi. Hani—Hani ka bulela hahulu, Hanina kufita ku se, mi Ni ka mi inisa mo kaufela mina kufita ka teniseti. Ne ni mi lukuluzi ka nako maabani busihu, kacwalo Ni ka mi liehisa busihu boo. [Kopano ili, “Ame.”—Mu.] Ehe. Ehe. Batili, Ne ni sweli fela ku mi eza lisheha. Mwabona? Ni . . . Lu bata fela kuya ka Mulena mo aka etelela cwale.

*Cwale ha mamulula liswayo la bune, Na utwa linzwi  
la sibupiwa sa bune, ha sili, Taha . . . utobona.*

<sup>105</sup> Cwale, “Ngunyana ha i mamulula Liswayo Labune.” Halu yemeleñi cwale. Liswayo Labune, cwale, Kimañi yana Li mamuluzi? Ki Ngunyana. Kana nekuna ni ya na fumanwi kuswanela usili? Hakuna ya na kona kuba cwalo. Batili. Ki Ngunyana ya na mamuluzi Liswayo Labune.

<sup>106</sup> Mi ni—ni Sibupiwa sabune, Sibupwa se sipila se si swana sina mbande, sa li ku Joani, “Taha, utobona kunutu ya bune ya mulelo wa puluso, yepatilwe mwa Buka ye,” kakuli Ngunyana na I mamulula. Ka manzwi amañwi, kona za na bulela. “Ki yeo kunutu yabune faa. Ni mi bonisize yona, mwa sisupo. Cwale, Joani, Ha ni zibi haiba mu I lemuhibile, kamba cwani.” Kono, a ñola za na boni, kono neli kunutu. Kacwalo, a ñola za na boni.

<sup>107</sup> Ngunyana na mamulula Maswayo, mi Mulimu ni cwalo na si ke a Lipatulula. Ne li siyezwi kwa mazazi a mafelelezo. Mwabona? Cwale, lubile ni lisupo, mi lu li bonisize, mi lu alungutile hande ka zona, ni kueza hande ka zona fokuñwi, mwabona. Kono luziba kuli Li zamaile kuzwelapili. Kono cwale, mwa mazazi a mafelelezo, lwakona katalima kwa mulaho ni kubona ko Li bile. Mi zeo li na ni kuezahala, kuli, kwa mafelelezo a lusika lwa keleke, Kuungelwa ku si ka ezahala fela kale.

<sup>108</sup> Kuli mutu ukona kuba ni Keleke ye ka kena mwa Nyandiso, Ha ni zibi. Kon Inani kueza sikamañi ka za kufita mwa Nyandiso, kanti mane Haina si—haina ni sibi? Ni talusa . . . Ha ni talusi keleke; keleke ika fita mwa Nyandiso. Kono Ni ambola ka za Munyaliwa. Munyaliwa, batili, Haana sibi ku Yena, ni se sikana. Sa tapisizwe hande, mi hakuna ni—ni . . . Hakuna mane neba munko wa sona, mi hakuna ze siyezi. Ba petehile, fapila Mulimu. Kona kuli ki yañi Nyandiso hape kukli iba kenise? Kono babañwi ba cwalo. Keleke i ka fita mwa Nyandiso, kono isiñi Munyaliwa.

<sup>109</sup> Cwale, cwale lu li talimile fela mwa lisupo zateni cwale. Inge ke—ke keleke, Nuwe, mufuta wa babane ba shimbilwe, bakena mwa sibi. Mwabona, cwale, ne ba shimbilwe cwalo. Kono, Enoke naile pili, wani neli mufuta wa balumeli bene ba ka yo kena, mi ni fapila nako ya Nyandiso.

Cwale lu fumana kuli, Ngunyana yo a mamula Liswayo.

<sup>110</sup> Cwale, Sibupiwa sa pili se lu fumana, haiba mu ka lemuha, Sibatana sa pili se lubona, neli sa . . . Sibata sa pili neli tau, Sibupiwa se si pila; lu fumani cwalo mwa buka ya liw— . . . ya

masika a likeleke. Mi cwale Sibupiwa sa bubeli, Na lumela, neli sa—sa sifateho sa komu, kamba namani. Mi sa bulalu Sibupiwa neli sifateho sa mutu. Kono Sibupiwa sa bune neli sifateho sa mbande. Cwale ona cwalo kona mo lu bezi ni zona, zepikuluha fela ona cwalo. Mi ona cwalo kona mo li ñolezwi mwa Buka fa.

<sup>111</sup> Mi he sina muluti yomutuna, ka nako yeñwi mwa Florida, na luta, kubulela kuli—kuli ki . . . kuli, “Buka ya Likezo yona neili fela—fela musebezi wa miambeso ya—ya kwa Keleke. Keleke ne ikalezi mwa li Evangeli zene.”

<sup>112</sup> Mi lufumana, ka kushutanisa kuli, ki li Evangeli zene ze sileleza Buka ya Likezo. Ki kuzwa mwahala Evangeli zene zeo za Buka ya Likezo ze ñozwi, likezo za Moya o Kenile mwa baapositola. Mi lu fumana, mwa Buka yani, kuli bona balibeleli bani ne ba inzi fani inge ba tonela; upa, mutulo, wiko, ni mboela. Mwa hupula ha lu liswanisa fa? Ni ka mo ne libezi zende mane lika kaufela za lumelelana hande ka swanelo!

<sup>113</sup> Cwale Ni bata kuli mulemuhe. Kuli, “Taha uto bona.” Joani . . . Cwale Ni bata kuli mulemuhe hape, fapila se. Cwale, yo fa kiyena mupahami wa mafelelezo, kuli apatulule musebezi wa antikreste.

Kamuso busihu, lunata fa mioyo yeli mwatasa’ aletare.

Busihu bobutatama, ki likatulo.

<sup>114</sup> Busihu bo butatama, kungiwa, kwa—kwa mafelelezo a lusika, mafelelezo a nako, a lika kaufela, mwabona, ha se Ingilwe. Kabakaleo, ona mwahala Liswayo Labusupa lani, kusuluhela Manaka, ni lika zevwi kaufela ze suluhile. Seo lili zona, Ha ni zibi.

<sup>115</sup> Mulemuhe. Kono cwale, ku yona ye faa, lufumana kuli mutu yo fa ki mbande, muuna yo yana . . . kamba Sibupiwa se sipila se si sululezi fa cwale. Kamba, ka manzwi amañwi, kuna ni masika a shutana mo a Teni. Nekuna ni lusika lwa tau. Mi, lu fumana cwana, lo kakuba lusika lwabune.

<sup>116</sup> Mi ki hali, “Taha u to bona kunutu ya Buka ya Puluso, ye patilwe mwa Buka yee. Taha u to bona.” Mi Joani ayo bona, mi abona pizi ye seta. Mi, hape, mupahami yaswana apahami fahalimwa pizi ye seta.

<sup>117</sup> Cwale na na libizo la kuli Lifu. Cwale mulemuhe. Hakuna ni mupahami yomukana, kamba wa lipizi zeñwi, kamba hakuna nako yeo mupahami yo akile apahama, ne ba si na; muuna yani nasina libizo. Kono cwale u bizwa Lifu. Ha li si ka bulelwa. Mwabona? Mi yena wa patululwa cwale. Sa li sona ki lifu.

<sup>118</sup> Kihande, mo lu kona kuliyebla fateni foo kuba kutazo, ni ku li utwalisa ka swanelo! Kono sika kaufela se sili anti, seo sa lwanisa za niti, sina ni kuba lifu. Kakuli, kuna ni fela litaba zepeli, zeo ki, Bupilo ni lifu. Mi seo si bonisa kuli sinulo ya Moya o Kenile ka se, mwa lizazi le, ki yona Niti luli. Za anti, ki lifu.

Kakuli, Linzwi, sina ha lu ka bona kasamulaho fa, ki Bupilo. Mwabona?

<sup>119</sup> Mi muuna yo u bizwa Lifu. Cwale, ne li si ka bulelwa ka linako zeñwi, za mupahami yoo. Kono, haibile, cwale li bulezwi, kuli u bizwa Lifu.

<sup>120</sup> Kono mwatasa sinulo ya tau . . . Cwale ha mubone. Cwale Ni bata kubala taba ye ka tokomelo, kuli Ni ikolwisise; niñosi zeñwi za sibaka, liteni faa. Mwatasi, isiñi mwatasa sinulo ya lusika lwa tau, kamba lusika lwapili, lusika lwa makalelo, Se ne si si ka patululwa. Lusika lo lu tatami neli lusika lwa komu, ili lusika lwa lififi, lusika lwa fahali, ne si si ka patululwa ka mo ne ne Siinezi. Kamba Sibupiwa sesi swana ni mutu, sa butali, kuyemela baongaongi, bo Luther ni Wesley ni babañwi cwalo, Ne li si ka patululwa. Kono mwa lusika lwa mbande, lusika lwa mafelelezo, lusika lwa sipolofita, ko ku sina manzwi a utwahala a sipolofita, mwabona, ku yoo likunutu li taha kamita! Cwale fo kona fo kuna ni . . .

<sup>121</sup> Lu ka liyeha nyana kulo foo, busihu cwana, ili kuli mu utwisise hande. Cwale, mwa linako zeñata, muka lemuha, zee . . . Ha ni buleli kwa sikhata se moo. Matepu a aya kai ni kai, mwabona, mi Ni lukela ku li tatulula hande. Kakuli, mutu ukona kunga fela tepu iliñwi, mi kipeto, ha sa ngi asiyezi a zona, kipeto uka kakatela ona fani, mwabona. Mulimu usepisize Se, mwabona, kwa lizazi le, la mafelelezo, kufeleta mwahala lika ze shutani kaufela ze hasani ni kulyanganiswa. Lu mwa . . .

<sup>122</sup> Lubile ni likubo za bo Elia. Lu bile ni liapalo za bo Elia. Oh, kubile batu baba . . . John Alexander Dowie u pumbekilwe kwani, a putezwi mwa—mwa lisila. A bulela kuli nali Elisha. Mi lubile ni mifuta ya lika kaufela ze cwalo. Ki sikamañi seo, niteñi? Ki ku zwisa fela Niti ye ka bonahaliswa. Mwabona? Nebana ni bo kreste ba buhata kusikaba kale nako ya Jesu. Mwabona? Bakana baeza cwalo kamita. Ki Satani, yaswel i kukibakiba ni za buhata, kuli akeluse mihupilo ni tumelo ya sicaba, taba yateni i si ka ezahala kale. Ku felile.

<sup>123</sup> Hanili Gamaliele na bulezi taba yeswana kwa Majuda zazi lani? Naize, “Hanili nekuna ni muuna yana tile, inza ipiza sa Kuli? Mi baisa baba mianda yemine mwa lihalaupa. Ba shwa, ni zeñwi cwalo.”

<sup>124</sup> Naize, “Mutai kaufela o Ndate Yakwa Lihalimu asika cala,” Jesu wa bulela, “uka kumulwa.”

<sup>125</sup> Gamaliele ali, “Amu ba siye. Haiba bona, haiba ha ki za Mulimu, hanili li ka ba za mbango? Kono haiba ki za Mulimu, mu ka ipumana kuli mulwana ni Mulimu.” Muuna yani naitusisize butali. Na li muluti.

<sup>126</sup> Cwale mulemuhe. Cwale, ka kufeleleza likunutu zee, Mulimu u sepisize kuli Elisha wa niti ya ka taha, muuna yomuñwi ya tozizwe ka Moya, mi uka patulula. Na sepisize cwalo mwa

Malaki 4. Mi Nina ni zeñozwi ni mañolo a bulela kuli ha ki cwalo, kono Ni tabela kubulela ku mutu yoo. Mwabona? Kiñi, hamukoni ku li latula. Muituti wa niti kaufela, wa za bulapeli uziba kuli yeo ki Niti, kuli ba libelezi.

<sup>127</sup> Kono ka kuba fela ka nzila yeswana mo ne litezka Joani, mutwaleti wa nako yapili ya Kreste. Kiñi, ne ba si ka mulemuha, kakuli nekuna ni lika zetuna luli ze ne polofitilwe ka yena. Kiñi, na lukela ku “ululula libaka zepahami kaufela kuba zelumbile, libaka kaufela za matulungundu kuba ze likanelela.” Mi, oh, a... Bapolofita: Isaya, mianda ye sebene ni ye twelufu asika pepwa kale; ni Malaki, myaha ye mina da yemine a si ka bonahala kale; kaufela bona ne ba polofitile za hae. Mi ne ba libelela malibela a Lihalimu kuli ataha fafasi, mi mupolofita yo ataha ni mulamu wa hae mwa lizoho, kuzwa ku Mulimu.

<sup>128</sup> Mi kiñi ze ne ezahalile? Muuna wa kuli nemuka... nemusike mwa mubonisa kadi ya kopano. Na si ka bonisa pampili ya bupaki. Na ipilela mwa lihalaupa; mane asina neba tuto ya sikolo se si zibahala. Lu bulelela, ka baituti ba kale, kuli na ile mwa lihalaupa inge ali ni myaha ye naini yakupepwa, kasamulaho wa lifu la bondatahe ni bomaye. Mi na hulezi kwani... Musebezi wa hae neli o butokwa hahulu, kuli a u sinye ka muituti yomuñwi wa sikolo sa bulapeli. Nana ni—nana ni ku zibahalisa Mesia.

<sup>129</sup> Mulimu nasike a itusisa mutu yatezi litaba za lituto zeo. Hakoni kueza cwalo, kakuli yena ubile a keluha kamita. Woo kona mulelo wa kuituta kwa hae. U sweli kukeluhela kwa mulaho ka sani. Kacwalo, u yo bona sika, ulika ku keluha kukutela ku se ne ba bulezi baluti. Kihande muinele kwahule ni zeo, mi mu lumele fela Mulimu.

<sup>130</sup> Mi lu fumana kuli ne ba mu timelelwa. Neba baapositola bene baliteni kwani, ba mu timelelwa. Kiñi, ba li, “Kiñi sa bulela Mañolo, ka bañoli, kuli Elia...”

<sup>131</sup> Ki hali, “Kihande, u tile kale, mi ha mu si ka mu ziba.”

<sup>132</sup> Mi foo kona fo Ni swaniseza zuho, kamba Kuungelwa. Ku ka ezahala, mi ba ka... Ni ziba kuli seo si utwahala bunca. Kono mwendi mu ka zibela fateni zeñwi kasamulaho wa busihu boo, haiba Mulena alata, mo ku ka bela fela, mwabona. Ikaba kunutu, hakuna mutu ya ka ziba zateni, mane. Lifasi li ka nahana fela, kuzwelapili sina mo libezi kamita, mwabona, mi fela... Kona Mwa eezanga cwalo kamita.

<sup>133</sup> Mwa ziba, Na kakanya haiba alimuñwi—alimuñwi... Ni li, alimuñwi kwa batu baba nainte kaufela mwa lifasi, akile aziba kuli Jesu Kreste nali fa nako ya Na li teni fa. Kana mwa ziba, nako ya na polofitile Elia, Na hakanyeha haiba nekuna ni ya na zibile kuli na li yena... Neba ziba kuli kuna ni sishupi kwani, mufitelezi wa tumelo yomuñwi, kono ne ba mutoile. Luli. Na li sene ba biza kuli muipiteli.

<sup>134</sup> Mi Ni sepa kuli, Mukreste ufi kaufela ya pepilwe sinca ki muipiteli, kwa—kwa lifasi, kakuli u so cincizwe. U zwa kwa lifasi lisili. Moya wa hao u zwelela kwa pakani yeñwi. Mi taba ye fa ki busafa fela . . . Kipeto hau—hau ya shutani, kuna ni se si fosahalile; wena, u sa li ya tamehile ka lika za lifasi. U lukela kuba wa mihipulo ya Lihalimu. Mi Lihalimu lipila ka Linzwi.

<sup>135</sup> Cwale, lu lemuha kuli taba—taba yetuna ye iezahalile. Cwale, lu lumela kuli ku lukela kuba kutaha kwa Moya wa Elisha. Ku bulezwi kuli ku ka ezahala, mwabona. Mi lu swanelia kuhupula kuli ukaba fa, mwa mwaha wateni ni nako. Lwa kona kutoma mutomo wa zona cwale. Mi ha ki . . . haina kuba kopano.

<sup>136</sup> Na—Na kanana ni mulikana ka, ka zeo. Yena u bulela kuli ikaba sikwata sa batu. Ni bata kuli mu ni bonise Liñolo. Mulimu, yena Mulimu ya sa cinci, ha cinci milelo ya Hae. Haiba A cinca, kipeto Ha ki Mulimu; yeo ki niti, kakuli Ki una ni kushwa, mi U ziba sina mo Ni zibela fela, mi Una ni mafosisa.

<sup>137</sup> Mulimu ali kuba a cince fateni mulelo wa Hae, kuzwelela koo mwa nako ya simu ya Edeni. Na ezize mulelo wa puluso; ao neli Mali. Mi lu likile tuto. Lu likile puso ya kapelezo. Lu likile ngana ya butu. Lu likile buino bwa likopano. Lu lukile lika kaufela, ku kasha batu kaufela hamoho, kamba kulata batu kaufela hamoho, ni lika zeñwi kaufela. Hakuna sibaka sisili sa kulapelela konji mwatasa Mali, ni cwale, kona sibaka fela sinosi koo Mulimu akopana ni mutu.

<sup>138</sup> Mulimu kamita utalimana ni mutu ka buyena anosi. Batu bababeli bana ni minahano yemibeli. Ne ku si ka ba fateni bapolofita babatuna bababeli mwa lifasi, inge ba polofita ka nako yeswana. Mutualime kwa mulaho haiba nekuli cwalo. Batili, sha. Zeñata litahile mwatensi! Una ni kunga muuna alimuñwi ya ipile kufolelela, ni kuitusisa mutu yoo. U bata yena mutu alimuñwi yoo.

<sup>139</sup> Kono ku kaba alimuñwi, fokuñwi, yomuñwi ya ka Mu teezeza, Linzwi ka Linzwi. Hanina taba ka za bulela mutu usili, haana kushenya ku Zona. Yeo ki niti. Uka libelela ku zeli SA BULELA MULENA KISONA. Mi, he, haana kushenya konji nako yeo. U ka pakiwa handende ka swanelo. Mu ka . . .

<sup>140</sup> Cwale, lifasi la kwande li ka mu toy, kono haili Peu ye ketilwe, Peu ye zibilwe kale, sina mo ne kuinezi mwa mazazi a Jesu, fani Liseli lani ha li monyeha, Peu yani ika taha kwa Bupilo ona *cwalo*. [Muzwale Branham uliza munwana wa hae hañwi—Mu.] Ba ka I ziba. Ba ka I utwisisa. Hamuna kubulela linzwi ka Yona.

<sup>141</sup> Musali ali, “Muñaka, Ni lemuha kuli U Mupolofita. Ni ziba kuli Mesia ha sa tile, U swanelia . . .”

Ki hali, “Ki Na Luli.”

<sup>142</sup> Mushimani, zani, zani neli zeñata. Na sa lukeli kuinelela busihu kaufela, ni kulibelela busihu bobutatama. Na bile ni Sona ona fani. Aba mwa musipili wa hae. Na ba bulelela ka Zona.

<sup>143</sup> Cwale muhupule, cwale, mwa lusika lwapili neli lusika lwa tau. Yani neli Tau ya lusika lwa Juda, Kreste. Susumezo ya Hae Tota ya Bupilo, yanga lusika lwani. Sani kona *Sibupiwa* sapili, se si talusa “Mata,” se ne si alaba ka linzwi la mutu.

<sup>144</sup> Lusika lo lutatama neli lusika lwa pulu, kamba lusika lwa mupahami wa pizi yensu. Mwabona?

<sup>145</sup> Cwale, libaka leo lusika lwa pili neli pizi yesweu, neli kuli . . . Sina—sina Ha ni bile ni utwanga batu ba bulela kuli mupahami wapili, wa yesweu, neli mata a keleke, anaile inge a koma. Mi lu fumana kuli afiwa kuwani ya bulena, kuli yani neli yona. Ne li keleke. Ne li keleke, kono na ile kai? Aya kwa Rome. Kwani kona kwa naile. A amuhela kuwani ya hae ya bulena.

<sup>146</sup> Cwale, lusika lwa bubeli neli lwa—neli lwa mupahami wa pizi ye soto, ili lusika lwa lififi.

<sup>147</sup> Mi cwale—cwale, lu—lu lusika lo lutatama, neli lwa—lwa mutu, lwani neli lusika lwa mupahami wa pizi yensu. Mi neli lusika lwa baongaongi, mwabona, fani li—li Lizwi ha li to bulela. Cwale, mupahami wa pizi yensu, yani neli antikreste. Kono yena ya Na bulela mwa lusika lwani na yemelwa sina mutu, mi bwani ki butali, kutalifa, bunangu. Mwabona? Mi ne ba si ka li lemuha, mwabona. Ne ba si ka biza . . . Ne ba si ka mubeya libizo. Mwabona? Ne ba bulezi fela kuli naile ona cwalo.

<sup>148</sup> Kono cwale, ha kutaha lusika lwa mbande, lwani ki lona . . . Mulimu kamita u swanisisanga bapolofita ba Hae kwa limbande. U ipiza kuli ki mbande yena Kasibili. Mbande ilendanga hahulu mwa halimu, hakuna se si kona ku iswala. Ha ki kuba kwayona fela mwa halimu mwani, kono ibupezwi kuba mwa sibaka sani. Ha i pahami cwalo, yakona kubona fo iinzi. Batu babañwi ba pahamanga fahalimu fani mi hababoni fo ba inzi, kona kuli hakuna tuso ya kupahama kufita foo. Kono haiba muna ni . . .

<sup>149</sup> Kono mutuhele kuli liñwalala lifufe hamoho ni mbande, kamba maankoli, kaufela yemubata, i ka panca feela. Ika katazwa ki kufipelwa fo i ka fita kaufela.

<sup>150</sup> Boo kona butata bwa kacenu, babañwi ba luna halu ikatazangi. Lu pancanga kapili fela, mwa bona, ha lusweli kutulaka. Mi, kono, luna ni ku katazeha.

<sup>151</sup> Ha mu fita fahalimu fani, mi muna ni meeto akubona a mbande, kubona se sitaha, ni kuziba sa kueza. Cwale, lusika lwa mbande ne lu Li patuluzi. Cwale lu fumana kuli, lusika lwa mbande lwani ne lu sepisizwe mwa Sinulo 10:7 ni mwa Malaki . . . :1, 4. Zeo li kaba mwa mazazi a maungulo, mwabona, yeo ki niti, kuli li kabateni faa. Ku lukile. Mulemuhe.

<sup>152</sup> Cwale, mutu yoo, lufumana cwana kuli u pahami fa pizi ye seta. Yeseta! Oh, mawi! Kasamulaho, mulemuhe kasamulaho . . .

<sup>153</sup> "Baipanguli baba kuma fa sikisite-eiti milioni," sina mo ne lungezi mwa—mwa litaba za Schmucker za *Glorious Reform*, za ba—za ba babulaiwa kwa Rome, maabani busihu. Lu fumana kuli, kufita fa 1500 ba swaiva, Ni lumela kuli kicona, kamba eitini—. . . Ha ni sa hupula hande cwale. Kono neli sikisite-eiti milioni bene ba bulailwe, bakeñisa kuzwa mwa keleke ya Roma, kwa Rome. Kona ha na icocomelize iliyena mwa libizo la . . . ni kuipiza kuli Lifu. Luli nali cwalo.

<sup>154</sup> Cwale, ki Mulimu fela yaziba buñata bwa ba na bulaile ka moyo, ka kulwanisa Bibele kwa hae, -Linzwi mwa milutelo! Yo ki yena yana beile baba kuma fa sikisite-eiti milioni kwa lilumo, ni kuba bulaya. Mi mane, ka swanelo, ma bilioni ba shwa ka moyo, bakeñisa tuto ya hae ya buhata. Kona ha na ikungezi libizo la Lifu!

<sup>155</sup> Mwabona mupahami wateni? Sibaka sa pili, kakuba antikreste, na li lifu, ka kukala; kono nasina mulatu ka nako yani. Mi ki ha amuhela kuwani ya bulena, ya maneku amalalu; mi asino i amuhela, ki ha tamahana, Satani atamahanya keleke ya hae ni naha, kakuli na busa bubeli bwa zona. Antikreste neli Satani, mwa mufuta wa mutu.

<sup>156</sup> Mi he, hape, Muhalalehi Mateu, Na lumela ki yona, kauhanyo ya 4, u lu bulelala kuli—kuli. Satani nangile Jesu, Mulena luna, fahalimu, ni ku Mu bonisa mibuso ya lifasi, kaufela yona, mwa nako yekuswani fela, ni kanya ya yona, aifa ku Yena. Mi ki hali . . . Ki, neli ya hae.

<sup>157</sup> Kacwalo, mwa bona, cwale, haiba na koni kukopanya naha ni keleke ya hae hamoho, kipeto mupahami wa pizi ye soto na pahami, luli ki niti. Mwabona? Kiniki! Cwale, he, lu fumana kunutu ya hae fa, mwa keleke ya hae ni naha.

<sup>158</sup> Kalulo yabune ya bulumiwa bwa hae, u bizwa sibatana. Pili ubiza kuli antikreste, mwabona; mi u bizwa mupolofita wa buhata; mi u bizwa sibatana. Cwale lu mufumana fa ubizw kuli sibatana. Cwale, Ni bata kuli mulemuhe, fo ki kasamulaho wa pizi yabune.

<sup>159</sup> Mi mwa pizi ya bune moo, haiba muka lemuha, kaufela . . . Yapili neli yesweu; mi yetatama neli ye soto; mi yetatama neli yensu; mi ya bune, zeñwi zetalu ze kaufela ne li yemelwa ku yona; kakuli, buseta ki bufubelu ni—ni busweu, mi kacwalo, halikopani hamoho. Mwabona? Una . . . Ne—ne li kopanyizwe hamoho kuyona pizi yee. Mwabona? Mi fani aba wa bune, kamba, mane, zetalu ku iliñwi. Mi kaufela ne li kopani mwa nto iliñwi yani.

<sup>160</sup> Cwale Ni bata kuli mulemuhe mwa bune bwa zona. Mulemuhe nombolo yateni, ya bune, kuya a lipalo za moyo. Mulimu ki mwa bulalu. Ye ki yabune. U mwa lika zene, fa. Pili,

antikreste, busweu; wabubeli, mupolofita wa buhata, bufubelu; wabulalu, muyemeli wa lihalimu ni lifasi ni—ni limbo, bunsu; wabune, ki sibatana, pizi yeseta, Satani ya lunduzwi mwa Lihalimu. Mu bata ku ibala yeo? Sinulo 12:13, Satani ha lelekiwa mwa Lihalimu. Mi mwa Sinulo 13:1, 8, u ipumana mwa mubili wa sibatana.

<sup>161</sup> Yena pili ki antikreste, fela—fela ki tuto yebizwa kuli Bunikolai; kipeto uba, kuzwa fani, kutaha ku mupolofita wa buhata. Haiba ki antikreste, antikreste ki *bulwanisi*. Kaufela se si lwanisa Linzwi la Mulimu si lwanisa Mulimu, kakuli Linzwi ki Mulimu. “Kwa simuluho nekuna ni Linzwi, mi Linzwi nali ku Mulimu, mi Linzwi a ezwa nama, Kreste, mi a to yaha kuluna.” Mi cwale u lwanisa Linzwi, kona ha ba antikreste. Kono moyo ha ukoni kuapeswa kuwani ya bulena; kona ha na si ka amuhela kuwani ya bulena. neli fela buta, kusina masho.

<sup>162</sup> Mi cwale ha taha, nako ya kuapeswa mushukwe, kona fa bela mupolofita wa buhata wa tuto ya hae ya antikreste. Mwa utwa kana? Mi unga mukwale, kakuli usweli kukopanya mata a hae hamoho, mi halukeli kubuza mutu ni yo mukana. Ki mubusisi wa naha; ki mubusisi wa Lihalimu. U amuhela kuwani ya maneku amalalu. U i kezeza mulelo o bizwa kuli “limbo.” Koo, haiba—haiba kuna ni bene ba shwile kwa mulaho kwani, mi neba ngile masheleñi, babata kuli ba alife, na ka ba lapelela kwateni kwa sikoloti. Kakuli, una ni mata a kueza cwalo; ki *muyemeli*. Kaniti, ki yena. “Unga sibaka sa Mulimu, mwa lifasi.” Haiba seo ha si utwahali sina taba kaufela!

<sup>163</sup> Lu si fumana, mu si shetumune, mwahala Bibele, ni kubala lipalo za linombolo za hae ni zeñwi kaufela. Ki yo fa . . . ? . . . ona fa mulaho wa nombolo ya bune, isiñi nombolo ya bulalu. Nombolo yabune, mwabona.

<sup>164</sup> Cwale ha lu apuleñi, Sinulo 12. Ha lu baleñi fela hanyinyani, kakuli lu—lu kaba ni nako ya kulieza. Mi ha lu baleñi Sinulo ya—ya kauhanyo ya 12 ni timana ya 13. “Mi ka nako yeswana kwaba ni zikinyeho yetuna ya lifasi . . .” Batili, Ni ngile ye—Ni ngile fa sibaka sisili. Ki ya 13:

*Mi drakoni ha ibona kuli ikunupezwi mwa lifasi, ya yo  
lelekisa musali ya na pepile mwan'a mushimani.*

<sup>165</sup> Cwale, mwa bona, ya kunupelwa, mwa lifasi, mi aba mwa mubili, sina moyo wa antikreste hauna mwa mubili wa mutu. Muuna yani u cinca kuzwa kwa nto iliñwi kuba isili, kuzwa kwa moyo wa antikreste kuba mupolofita wa buhata, mi cwale sibatana sataha ku yena.

<sup>166</sup> Inge fela sina Keleke mo i hulela; keleke ya hae yaya kuzwa—kuzwa ku antikreste kuba mupolofita wa buhata, mi, mwa lusika lolutuna lolutaha, sibatana se si na ni kutaha. Kacwalo, Keleke itaha ka mukwa o swana, ka kubeiwa yelukile, kukeniswa, ni kolobezo ya Moya o Kenile, ki Kreste yali mwahala sicaba, ona

cwalo fela. Mi una ni mufuta usili wa Teni kulo foo, ki... mwabona, ki mufuta wa Teni, nitaluse. Ki yo foo, ona cwalo fela. Yoo ki yena. U lelekilwe kuzwa mwa Lihalimu.

<sup>167</sup> Cwale lu fumana kuli, mwa Sinulo 13:1 kufita fa 8.

*Mi ya yema fa likamba la liwate, na bona sibatana se si omboka...*

<sup>168</sup> Cwale, ki ye 12, fa na lelekilwe. Cwale mutualime.

*...na bona sibata se si omboka mwa liwate, sina ni manaka a lishumi ni litoho ze lishumi, kwa manaka ne si na ni mishukwe ya bulena, mi fa litoho za sona neku ñozwi mabizo a linyefulo.*

*Sibatana se ne Ni boni ne si swana sina ngwe, mautu a sona...*

<sup>169</sup> Oh, kambe luna ni fela nako cwale, neluka nga busihu kaufela, ona fa lisupo zeo, ni kubonisa, ku litisa hande ku yena hape. Kaufela, buñata bwa mina kaufela mwa ziba cwalo, kuzwa kwa lituto yeñwi.

*...mautu...a sona naswana inge a bere, mi mulomo wa sona...noli inge mulomo wa tau: mi drakoni ya to si fa mata a yona,...sipula, ni...puso.*

<sup>170</sup> Huh! Satani yaipatile mwa mubili! Mwabona?

*Cwale Na bona toho yeñwi ya sona...kuli i tabilwe inge ya shwa;...*

<sup>171</sup> Ni kutahafafasi cwalo, hanze luya, haiba mutabela cwalo, ha mu ka ba ni nako mubale kushetumuka. Batili, halu—halu baleni kuya fapili nyana.

*Cwale Na bona toho yeñwi ya sona kuli i tabilwe...  
inge ya shwa; kono kutabwa ko nekuna ni kuibulaya  
kwa fola: mi lifasi kamukana la komoka sibatana.*

<sup>172</sup> Mu talimele fela! Musike mwa be mutokomela za swaliso. Ha ki sika kaufela kwanda kuba siitusiso, sa kubapalisa mwa mazoho a Mulimu, ku mi tusa kuli zazi leliñwi mube, “ni kuyolisa mali,” sina ha lu ka bona kamuso busihu. Mabona?

*Mi ba lapela drakoni...*

<sup>173</sup> Drakoni neli mañi? Satani. Kiniti kana? “Drakoni yefubelu.” Ku lukile.

*...kabakala kuli ifile sibatana mata ayona (ne i zusa kai mata, mwabona): ba lapela ni sibatana, bali, Ki mañi ya ka likana ni sibatana? ki mañi yakona kulwana ni sona?*

*Sa fiwa mulomo obulela litaba zetuna ni linyefulo; mi sa fiwa mata a kusebeza likweli ze fote-tuu.*

*Mi sa atamisa mulomo wa sona kunyefula Mulimu, (Kifo ecwale, mwabona. Ku lukile.) ...kunyefula libizo*

*la hae, (ku muwa lilumbatina)... ni baba yahile mwa lihalimu (isili sibaka mo kupila Moya o Kenile),...*

- <sup>174</sup> Ku ikezeza sibaka mwa Rome, Munzi wa Vatican. Mwakona fela kushetumuka ona cwalo:

*. . . ni baba yahile mwa lihalimu.*

- <sup>175</sup> Sa ba nyefula, ka kubulela kuli neli ba yemeli ba milapelo.

*Hape sa fiwa kulwanisa balumeli (mane sa kwanisa), ni ku ba tula (mane sa tula): . . .*

- <sup>176</sup> Ba ba cisaka kwa litoli! Ku ba fepa kwa litau! Ni kuba bulaya mo ne konela kaufela!

*. . . hape sa fiwa mata fahalimu a masika kaufela, ni macaba, . . . ni lipuo, ni mishobo.*

- <sup>177</sup> Ne ku si cwalo mwa Rome konji Rome wa buhedeni ha fetulwa kuba Rome wa bu popu, ni mata a Katolika ahasana lifasi loote, aeza keleke ya Katolika ya silundamanji.

*Mi si ka lapelwa ki baba yahile mwa lifasi kamukana, be mabizo a bona ha si ka ñolwa ma buka . . .*

- <sup>178</sup> “Usike wa sinya Oli ya Ka ni veine!” Mwabona?

*Mi si ka lapelwa ki baba yahile mwa lifasi kamukana, be mabizo a bona ha si ka ñolwa mwa buka ya Ngunyana ye tabilwe haisamba lifasi l litomwa.*

*Ya na ni lizebe, a u twe.*

*Mutu haisa babañwi ku yo ba luwa ukayo luwiwa ni yena: mutu ha bulaya ka lilumo uswanezi ku bulaiwa ka lilumo ni yena. Ki mo ku ka bonahala kutiiseza kwa balumeli ni . . . tumelo yabona.*

- <sup>179</sup> Cwale, ne lu mubona inza taha, maabani busihu, ni lilumo la hae lelituna, kuli abulaye.

- <sup>180</sup> Lu fumaní kuli u bulaiwa ka lilumo, ni yena, lilumo la Linzwi. Linzwi la Mulimu, li buhali, kufita mukwale o lozizwe kafa-ni-kafa, la mu bulaya, ku mubeya hande fafasi. Mulibelete kufitela Mishika Yesebene yani i utwahalise manzwi a Yona kwa sikwata se sikona kunga Linzwi la Mulimu hande ni ku Li tambeka kwani, Li ka sehaka ni kupuma. Mi bakona kukwala mahalimu. Bakona kukwala *se*, kamba kueza *sani*, kaufela se ba bata. Kanya! Uka bulaiwa ka Linzwi le li zwelela mwa mulomo wa Hae, le li buhali kufita mukwale o lozizwe kafa-ni-kafa. Ne ba ka biza linzinzi zekuma fa buima bwa ma tani a handeleti bilioni haiba ba tabelia cwalo. Amen. Kaufela se ba bulela, si ka ezahala, kakuli Ki Linzwi la Mulimu le li zwelela mwa mulomo wa Mulimu. Eehe. Amen. Mulimu, kamita, Ki Linzwi la Hae, kono nako kaufela U itusisa mutu ku Li beleka.

- <sup>181</sup> Mulimu na ka biza linzinzi zani, kwani kwa Egepita, kono Abulela kuli, “Mushe, ki musebezi wa hao. Ni ka kubulela fela sa kueza, mi u si eze.” A si eza ka kutala. Mwabona? Na—na ka

keta li—li lizazi ku biza linzinzi, Na ka eza kuli kweli i li bize, kamba moyo ku li biza. Kono, A—A li, “Mushe.” Zeo—zeo ki... U ketanga mutu. Ku lukile.

<sup>182</sup> Cwale lufumana cwana fa, kuli Satani yoo, amano lelekiwa mwa Lihalimu, u icocomeza ili yena mwa sibatana. Mi cwale ki sibatana; antikreste, mupolofita wa buhata, mi cwale seli sibatana. Mi ufilwe libizo la Lifu! Mane u latelelwa ki Lihele! Satani ka kutala, fa lubona lwa hae! Oh, mawi! Mwa lifasi, ki Satani, ya muyemela, mwa lifasi, kuli cwale ki toho ya mibuso ya lifasi, yona mibuso yeswana ya na file ku Mulena Jesu mwa Mateu 4. Satani cwale uba mulena ya tezi.

<sup>183</sup> Cwale, se si e zahala kasamulaho nyana. Ki mupolofita wa buhata cwale. U kaba sibatana, kasamulaho nyana, ha ka lyanganisa bulikani bwa hae ni Majuda. Mwa ziba mo lu ka... Ku lukile, mulemuhe cwale, uka fiwa pilu ya sibatana, ka nako yeo, mi Satani uka icocomeza mwa mubili wani yena kasibili. Kakuli, foo Keleke ha i ngelwa mwahalimu, Satani u lelekezwi kwande. Mwabona? Mwabona? Ku felile, ka nako yeo, ki, kaufela za kutameleza kwa hae lifelile. Mwabona? Cwale, haibile fela...

<sup>184</sup> Mutualime, haibile fela Muyemeli mwa litapelo u sa li fa Lubona, Satani wakona kuyema fani ni kutameleza, kakuli ki yena muyemeli wa neku leliñwi. Ki mulwanisi wa Kreste. Mi Kreste ki... U yemi fani, ki—ki—ki mulwanisi ya yemi fani, inza bulela kuli, “Kono, libelela! Adama na wile! Adama na ezise se! Ni mu komile. Ne ni konile kukwasheka musala hae kulumela buhata. Mi Wa bulela kuli uka atulwa ka sona. Ne ni mu lukisize!”

<sup>185</sup> Kono ki yo fa Muyemeli ya yemi foo, amen, Muliululi wa Lubasi, amen, uyemi fani ni Mali akona kuswala pilu ya muezalibi ya maswe maswe ni ku i cinca. Muyemeli u teni fa Lubona. Eeni, sha.

Satani naize, “Kono bana ni mulati!”

Wa kona kubulela kuli, “Habana mulatu.”

<sup>186</sup> Mulyani wa Clorox wani no pangilwe, kamba kueziwa, kuli utakule matampatampa, kuzwisa mibalala mwa enge kamba sitampatampa kaufela. Ba na ni ona. Uka si luba luba kufitela mutokwa ku si fumana hape. Si kutela kwa moyo fela, ni kukutela fela kwa liseli la kozimiki. Ni kufitelela ma tutowati twa mezi ni zeñwi kaufela, kufitela i kutela kwa makalelo ko ne izwelela. Ki pupo. Neina... ki pupo, ne i zwile kwa pupo, ne i zwile ku Mubupi. Kono mezi kaufela ana ezizwe ni kubeiwa hamoho, a ikabile, mi kona fela ze liteni ku zona. Hakusana zeñwi zateni hape. Neba ona—neba ona mezi ateni, aswalana ni mulyani wa Clorox, o li mufuse.

<sup>187</sup> Amen! Kanya ku Mulimu! Kaufela li kenile. Kona sa eza Mali a Jesu Kreste ku mwan'a Mulimu wa niti, ha bakela sibi sani ni kuyema fani, ubeiwa ya lukile ku za Hae... Sishemo! Bunde!

Neba zetuna cwani kufitela Mulimu abulela kuli, "Ha ni sa si hupula ni hanyinyani. Mi kaniti ki mwana Ka luli."

<sup>188</sup> "Kaniti, Ni li ku mina, ha mu ka bulelala lilunu leo kuli 'shenya,' mu sa bilaeli mwa pilu, kono mu lumela ku se mu bulezi, muka... sika ezahala. Mwakona kuba ni se mu bulezi kuli sibe teni." U mwana ya liuluzwi. Amen! Ni ziba kuli ki niti yeo.

<sup>189</sup> Ni boni tumale ha tu iponahaza kwani, ka linako ze silezi ze shutana, ze Ni ziba, mane sina mo luinezi mo cwana. Yena fela ki... Ukona kubupa timale ka kuswana sina Mo akona kubupela linzinzi, kamba limbotwe, kamba sika kaufela. Yena, Yena ki Mulimu, Mubupi. Kiniti! Mi hakusina mutu wa nama...

<sup>190</sup> Kono cwale sibi sa mutu ha se i bakezwi ni ku cimbekwa mwa mulyani wa Clorox wani, o tapisa wa Jesu Kresite, U takula sibi kaufela. Yena luli haana sibi, ki ya siba sibi, ki yasina nyazo. "Ya pepilwe ki Mulimu haezi sibi, kakuli hakoni kueza sibi." Mulyani o kenisa uyemi mwahala hae ni Mulimu. Kana sikona cwani kufita fani, kanti si lubilwe ni kulumela ku yana si lyanganisize! Amen!

<sup>191</sup> Whew! Ni ikutwa bulapeli. Na—Na mi bulelala, Ni ikutwa susumezo cwale se ha si kala kupatululwa.

<sup>192</sup> Mulemuhe, Satani ka kutala, fa lubona la hae. Eeni, sha. A si fa ku Mulimu, a si fa ku Mulena luna. Kiyo fa, u inzi fa, ni pilu ya sibatana ye ku yena. Cwale, ki yo fa mutu, ki sibatana, diabulosi mwa mibili wa mutu. U iponahaza fa lifasi faa, mwataswa buikangabeki bwa buhata. Oh, mawi, bunde! Mwataswa buikangabeki bwa buhata kwa Linzwi la niti, u i keza silikani ni Linzwi.

<sup>193</sup> Na ezize fela nto yeswana yana—yana ezize wa mufuta wa hae, yanali yena Judasi, myaha ye likiti zepeli kwa mulaho. Kiñi sana ezize? Judasi na tile cwalo, sina mulumeli, kakuba diabulosi kuzwa kwa simuluho. "Na pepilwe ali mwan'a sinyeho." Hakuna za na beile ku Jesu, kakuli Na mu ziba kuzwelela ka simuluho; amen, kakuli Nali yena Linzwi. Ku lukile. Mi, muhupule, Judasi anga sibaka sa mubuluki wa sirkwama, mi awa ka masheleñi.

<sup>194</sup> Ki mo i ezeza ni keleke ya lizazi lee! Keleke ya Katolika, sina mo ne lu fumanezi maabani busihu, ne ilifisa litapelo za swalelo, kulifisa litapelo, ni kulifisa lika kaufela. Ki nto yeswana mane, ni kuwela mwa taba yeswana kwa bana ba basizana ba keleke ya Katolika, bene bali Baipanguli. Liki kaufela li tamehile mwa masheleñi. Fani kona fa na wezi Judasi, mi fa kona fa na wezi, mi ona foo kona fo ba wela Baipanguli.

<sup>195</sup> Mutokomele, upahami pizi ye seta ka mwa bonahalela mwa pahamezi cwalo, mupahamelo wa mafelelezo woo. U pahami ya mafelelezo cwale. Cwale, zeo ha ki mwa lizazi la luna. Zeo li ka ba teni kwapili koo. Ki Liswayo, libulezwi kale. Kakuli, mwabona, Keleke ikabe iile kale zeo ha li ezahala. Nako ya ka bonahala Kreste fa lifasi, sina—sina—sina... Mutu yo wa

bonahala, mi uba fela ka kufelelela, diabulosi ya kwanile; kuzwa ku antikreste, ku yo punya ni koo, ku mupolofita wa buhata, mi ni kukena mwa sibatana, yena diabulosi kasibili. Mi upahami fa pizi ye seta, yena ni mibala bala mubili kaufela, ni ye kopano ni mibala yeñwi, kuli abonahala buseta ni lifu.

<sup>196</sup> Kono cwale Mulena una ha bonahala mwa lifasi, Uka pahama fa pizi yesweu. Mi Uka felelela, ka kutala, abe Emanuele, Linzwi la Mulimu le li pila ku Mutu. Mwabona? Kona fela shutano yeliteni ku zona. Kona shutano yeliyeni ku zona.

<sup>197</sup> Mulemuhe, antikreste u pahami pizi ye seta, yena ni mibala bala yezwakani. Pizi ki sibatana se si yemela mata. Mata a sona a zwakani. Kiñi? Ki litaba za naha, ki—ki mata a linaha, ki mata a bulapeli, ki mata a madimona. Ki mata a mifuta kaufela akopano hamoho, ki mazwake, kona pizi ye seta yeo. Ina ni mata a mifuta kaufela.

<sup>198</sup> Kono cwale Jesu ha taha, ki pizi ya mubala ulimuñwi fela, wa Linzwi. Amen!

<sup>199</sup> Yo yena u kopanyakonya mibala ya hae, ya bufubelu, busweu, bunsu; mibala yemilalu ku ulimuñwi, i yemela ku ulimuñwi. Mi mata a malalu a yemelwa ku iliñwi; yona pizi yesweu, pizi yensu, pizi ye soto. Ni mishukwe yemilalu, ku ulimuñwi. Mwabona? Luli.

<sup>200</sup> Ni iboni fateni kuwani ya bulena, na luli; ne niyemi, oh, bukaufi *cwana* ni ku italima. Ne ba si ka ni lumeleza kufita kuyona, bakeñisa gilasi, yeneli teni. Kacwalo ki zeo foo, sikulukulu sesituna ku sona, siinzi mwa putumende: kuwani ya maneku amalalu. Kona kuli Ni ziba kuli ki niti. Uh-huh. Kacwalo ki yani, kuwani ya maneku amalalu, muyemeli: lihalimu, limbo, ni lifasi.

<sup>201</sup> Mata a malalu atamahani hamoho, mwabona, kaufela li zwakani mwa mubala, o museta. Lifu li bulela mwa lika kaufela; litaba za naha, ni—ni bulapeli, ni—ni mata a madimona, akopani hamoho. Litaba za naha, ki yena mulena wa litaba za naha, Satani ki yena. Ubutili! Whew! Luli. Musike mwa lika ku mubona bukuba. Fela—fela mu i sepele Mulena. Kihona.

<sup>202</sup> Sina ha Ni bile, nako kaufela, nifitile ku zona fateni. U butali maswe, lituto ni lika ze cwalo, li zwile kwa neku le li maswe. Mu li latelele fela ka Mañolo, mufumane haiba ha ki niti. Mu latelele bana ba Kaine mi mubone se ba fetuha kuba sona. Mi mu latelele ni bana ba Seta, mubone sene bali sona. Isiñi kuli Ni yemela butimbi ku sa ziba, batili ha ki cwalo. Batili, sha. Kono munge mutu ufi kaufela, mane, wa Bibele, ki ba sikai luli . . .

<sup>203</sup> Mi kuna ni alimuñwi ya bizwa Paulusi, yani neli muuna ya butali, mi a bulela kuli nana ni kulibala kamukana za na ziba, kuli a zibe Kreste. Na ize, “Ha ni si ka taha ku mina ka manzwi a ka nesi a ku mi kolisa ka butali bwa batu, kono Ni tile ku mina mwa Mata a zuho ya Kreste.” Yeo ki niti, Mata a Moya o Kenile!

<sup>204</sup> Mutualime ku babañwi. Babañwi ba bona ne ba sa zibi mane neba lizoho la silyo ku la nzohoto. Mi—mi, oh, mutualime mwa lusika lwa bapolofita, ni ko ne ba zwelela, ni zeñwi cwalo. Mwabona se Ni talusa?

<sup>205</sup> Mwabona, ki zibo, bunangu, ni butali. Butali kona taba yateni luli ye mi zwisa ku Mulimu.

<sup>206</sup> Nana ni mata a malalu, kamba zetalu—zetalu za milulwani ya puso: fa lifasi, Lihalimu, ni limbo.

<sup>207</sup> Ki yena, kasibili, mwa bulalu. Kona ze mu eza sibupeho sa hae cwalo. Mi upahami mwa bulalu. Mata a hae ainzi mwa silalu. Kuwani ya hae ya bulena i mwa silalu. Pizi ya hae i mwa silalu. Sani kona sa nali sona, ki silalu; mata a silalu, kuwani ya bulena ya silalu, pizi (inza pahami) ya silalu; zeo ki ka liofisi, zene hape, mwabona, zene hape. Ku lukile.

<sup>208</sup> Likalulo zetalu za bulumiwa bwa hae, li mu eza kuba mutu alimuñwi, Satani mwa mubili. Likalulo zetalu za bulum—... antikreste, mupolofita wa buhata, ni sibatana. Zetalu zeo, za swanisa, mwabona. Cwale kuna ni mifita yemilalu, cwale, ye mu eza mwa inezi.

<sup>209</sup> Mulimu, Mulimu u Itibahalisa iliyena, hape, mwa mezi, Mali, Moya; u eza Mukreste mwan'a Mulimu, ka Linzwi la Mulimu. Mwabona? Mi *ona* mata a malalu aa kona amueza kuba diabulosi. Mwabona? Oh, Ze faa, ki mezi, Mali, ni Moya, ili zona za Mulimu. Mi *zeo* ki litaba za naha, bulapeli, ni mata a madimona, akopani hamoho, kona ze mu eza kuba diabulosi.

<sup>210</sup> Kutaha kwa pili kwa Kreste, mwa mubili. U taha linako zetalu. Kreste u mwa silalu. Mwabona? (Mutalime mwa tahela; yena ki ku zene.) Mutualime Kreste. Kutaha kwa Pili, Utahile mwa mubili, ku to sulula mali ni kushwa. Kana ku cwalo? Koo kona kutaha kwa Hae kwa pili. Kutaha kwa Bubeli ki Kuungelwa; lu Mu katanyeza mwa mbyumbyulu, yasa shwi. Kutaha kwa Hae kwa bulalu, ki Mulimu mwa mubili. Amen! [Muzwale Branham ukambela mazoho a hae hañwi—Mu.] Mulimu, Emanuele, kuli abuse fa lifasi! Yeo ki niti, ki zetalu fela.

<sup>211</sup> Kalulo ya bulalu ya mupahami, mutualime. Kalulo ya bulalu ya mupahami wa yoo ibizwa Lifu. *Lifu* litalusa kauhanyo ya “Kuyakuile ni Mulimu.” Yeo kona taluso ya lifu, ku kauhana ni Mulimu kuyakuile.

<sup>212</sup> Cwale, haiba lubeile mutu yo kwande, sibaka, haiba lu bonisize ka Bibele, yoo mutu yo ali yena; mane lungile ni mazulu, ni sibaka ni zeñwi kaufela, ka swanelo fela ya litaba zateni, kutahafafasi ona cwalo. Mi cwale u bizwa kuli, ki mbande, “Lifu.” Kona Mwa mu bizeza yena. Muhupule, fa, mwabona, lifu ki kauhano ya Kuyakuile.

<sup>213</sup> Muhupule, balumeli ha ba shwangi. Ba lobalanga fela, isiñi kushwa. “Ya utwa Manzwi a Ka, mi alumela ku Ya Ni lumile, una

ni Bupilo Bobusafeli.” Yeo ki niti. “Hana kutaha mwa katulo; sa zwile kwa lifu kutaha kwa Bupilo. Kina Zuhu ni Bupilo,” kwa bulela Jesu. “Ya lumela ku Na, ni ha shwile, uka pila hape. Mi ya pila kaufela mi alumela ku Na hana kushwa.” Lazaro, kushwa? “U lobezi.”

<sup>214</sup> “Musike mwa saba, musizana ha si ka shwa, kono u lobezi.” Ba Mu seha ka lisheha. Kana ku cwalo? Oh, mawi! Mwabona, balumeli ha ba shwangi.

<sup>215</sup> Kauhano ni Mulimu ki lifu, lifu la Kuyakuile. Mi mutu yo ubizwa kuli “Lifu,” kacwalo mube kwahule ni yena. Ki sikamañi sa li sona? Ki kopano, mulao wa likopano; ya pili, nombolo ya pili, keleke, ne i ongaongilwe, mi hana—hana ngile kutwisiso ya Constantine, kwa Katengo ka Nicaea.

<sup>216</sup> Ne lu tisize basali bani, maabani busihu, ni kubonisa moo Eva, munyaliwa wa pili, muuna hae a si ka fita kale ku yena, musali a wa, ka ku sa lumela Linzwi la Mulimu mwa Edeni. Munyaliwa wa moyo ya na pepilwe ka Lizazi la Pentekota wa Kreste, A sika fita kale ku yena, kiñi ze ne ezahalile? A wa, kwa Rome. Sikamañi? A itohoba mata a hae a Linzwi, aikungela litumelo za kuipangela. Amen. Oh, mawi!

<sup>217</sup> Ni—Ni—Ni utwa susumezo ya ni tahela hape, eeni, sha, ka kunahana zeo . . . Ha ni batí kueza ze si ka luka. Ha talusi zeo. Kono fela Ni . . . Ha mu zibi kuli seo sieza sikamañi ku na. Ni inelezi fa litaba ze ka mazazi a mane cwale. Fela . . . mi fela Ni lukela kubulela taba yeñwi, ye ni utwisa kuba butu hape. Mwa ziba ze Ni talusa. Eehe. Ku lukile. Ni kala kubulela cwalo, mi mubona lipono ze iponahaza mwa sibaka kaufela. Yeo ki niti. Mwabona, kona ha Ni bulela lika lisili kuli nikutele mo ni lukela kubela hape, ni kuikatulusa nyana hape. Mwabona?

<sup>218</sup> Kana mu ni lemuhile ha Ni banga ni mukoloko wa temuho? Ni ka bulela taba yeñwi, ye ka sehisa sicaba; kipeto Na bulela nto yeñwi, kuli batu ba lile; kipeto Na bulela nto ili, ye ka nyemisa batu. Kuna ni se ni lemuhile. Mi Ni ka bulela sika, kubona mo si ka ngelwa, kipeto Ni bona mufuta wa liseli oli ku bona, se si nga sibaka. Kipeto Ni ziba fo siinezi, mi Ni ziba hande kamba Sa bisa kamba kutokwa. Haiba ha si bizi . . . Sainelela ona foo, mulumeli wa niti, ku lukile. Wa mu bisa, cwale, uli, “Wena, mukete *Wa kuli-ni-kuli.*” Mwabona.

<sup>219</sup> Mi ha u fitafafasi, Moya ukala kutoza, mi ukala kubona kumonyeha kwani kai ni kai, mwabona, sina cwalo, kupikuluha, kupikuluha mwa sibaka. Kacwalo, kona ze Ni bulelelanga lika lisili, kuli ni kalise sinca hape, kukalisa sinca hape, mwabona.

<sup>220</sup> Kuzwa fela la Sunda, Ni inelezi fela mwa muzuzu, inge ni lapela fela, kihona, ni mwatasa tozo. Mi Ni ziba kuli Se si lukile. Haiba mu lumela ku Mulimu, Ni ziba kuli mwa lumela, libelele fela kwa mafelelezo a biki. Uh-huh. Mwabona? Mwabona? Ku lukile. Mwabona?

<sup>221</sup> Cwale, lifu litalusa kauhano ya Kuyakuile ni Mulimu. Mi muhupule, cwale, balumeli ha ba shwi.

<sup>222</sup> Muhupule, munyaliwa wa hae na filwe pizi ye seta, ya . . . Ni talusa, mupahami yo na filwe pizi ye seta, kuli—kuli azamaye ni yona. Na filwe ye—ye seta pizi yee, kuli azamaye ni yona. Mi apahaha pizi ye seta yee, ya lifu. Cwale lwa ziba kuli zeo liyemela sikamañi. Lu ziba hande kuli neli keleke mañi yani.

<sup>223</sup> Mi muhupule, mwa busihu bwani, na si fela “lihule,” na li “mahe mahule.”

<sup>224</sup> Mi lu fumana cwana kuli, sene si mu ezize lihule, neli, musali yani ki mufuta wa musali. Ni wa . . . Ki linzwi le li sina la maswabisa, ku libulela mwahala sicaba se si kopani. Kono Bibele ibulela ona cwalo, mwa bona. Kacwalo, he, lu lemuha kuli yo ki—yo ki musali yapila ka ku sa sepahala kwa buitamo bwa linyalo la hae. Mi mwa bona, u swanelia kuba cwalo, mwa bulelela yena, mwa ipizeza yena, “Mulena wa Lihalimu wa musali.” (Yoo ukona kuba Munyaliwa wa Mulimu. Mulimu ki Kreste.) Mi lufumana kuli usweli kueza boozwa, mane uezisa malena ba lifasi kupila ka buhule, ni baana baba fumile kaufela, ni baana babatuna. Lifasi kaufela liile ka yena. Mwabona?

<sup>225</sup> Mi cwale lufumana kuli apepa bana ba basizana, mi nebalii mahule. Lihule ki sikamañi kanti ki manyakasilupi, ki nto yeswana; ki soozwa, boozwa, bumaswe, butanya, kufosa. Ki sikamañi se ne ba eelize? Ba ikongakonga, baba ni mulao, ba luta milao ya batu fela, Pentekota ni sikhata tuna kaufela!

<sup>226</sup> Cwale, musike mwa tuheleta li—li lizwalo la mina kuwela mwa pokoto ya mina, Pentekota. Halu boneñi ni mi bulelele taba yeñwi. Ha lu talimeñi taba yateni mwa pata. Se lu liyehile cwale, kuli lukale kubika liñindi. Mutualime faa.

<sup>227</sup> Lupila mwa Lusika lwa Keleke ya Laodesia. Mi loo neli lusika lo lu maswe hahulu hala masika ateñi kaufela, lo lu enya fela, mi kona lunosi fela loo Kreste nali fande, inza lika ku kena mwahali. Mi leo kona liñusa la Pentekota le li utwahala, kuli, “Ni fumile!” Mushimani, noli mubotana, pili. Cwale awa luli so fumile, mwabona. “Hakuna se ni tokwa!” Mi—mi, oh, so no li sona!

<sup>228</sup> Mi ali, “U mapunu, u mwelwa, u sibofu, u mubotana, u nyandile, mane ha u zibi.”

<sup>229</sup> Cwale, haiba mutu u mapunu, ali fa mukwakwa fani, mi ki ya ziba cwalo, kupalañi, na ka lika ku itusa. Kono cwale yena—cwale haiba ha zibi, mi hamukoni ku mubulelela shutano, kipeto yoo kwateni uziyelehile luli. Mulimu amu utwele fela makeke yoo. Kiniti. Mulemuhe. Oh, mawi!

<sup>230</sup> Cwale, muhupule, antikreste yoo, kasibili, ka kuba mutu; munyaliwa wa hae, ili yena keleke ya hae, “na filwe nako ya

kubaka, mi ha si ka baka,” mwa lusika lwa keleke yani, Tiyatira. Mwa hupula cwalo? Kana mwa hupula . . . ?

<sup>231</sup> Kihande, ha lu kuteñi mwa mulaho fa muzuzu. Hasina ku lu holofaza kukutela mwa mulaho ka muzuzu fela. Ha lu kuteñi mwa mulaho, mwa kauhanyo ya 2, fa muzuzu fela. Lu ka ibala fela, kauhanyo ya 2 ya . . . cwale, Tiyatira. Cwale mutualime se, ona fa kapili cwale. Mawi, se luli fela ni kukwala, mi ha lu si ka kala mane. Kono, mulemuhe, Tiyatira. Cwale, ikala ka timana ya 18 ya—ya kauhanyo ya 2.

. . . *kwa lingeloi* (yo ki mulumiwa) *wa keleke ya Tiyatira; Kize za bulela Mwan'a Mulimu, ye meto a hae abonahala sina lulimi lwa mulilo . . . ni mautu a hae sina sipi yefubelu* ye benya uli;

*Ni ziba misebezi ya hao, ni lilato la hao, ni sebelezo ya hao, ni tumelo ya hao, . . . ni kutiya pilu kwa hao, ni kuli misebezi ya ho; ya mafelelezo ki ye miñata . . . ku ya pili.*

*Kono se Ni nyaza ku wena ki taba ya kuli, u fa Jezabele musali sibaka, . . .*

<sup>232</sup> Ki fo he cwale. Mwa mu ziba, mwa Bibebe. Na li musala Akabe. Mi ki yon fa musali, keleke, Jezabele, musala mupolofita wa buhata, ya lukela kuba mupolofita wa luli wa Mulimu, popu; kiniti, mupolofita wa luli ni musala hae, Jezabele. Cwale, Akabe na lukela kuba Mujuda wa niti, kono na li kuluku, mwa ziba cwalo, kakuli musala hae ki yena ya na muisize ka nzila ya na bata kaufela. Lu fumana kuli, Jezabele unga masheleñi a hae ni kuzamaisa bani mwa na latela kaufela, ni yena.

. . . *musali ya ipiza mupolofita, (mwa utwa kana?), sibaka sa ku luta ni . . . kupuma batanga baka* (mwabona, yona tuto ya Jezabele yani ya hatelela naha kaufela) *kuli bapile mwa buhule ni . . . mi ba ce ze tabezwi milimu.*

. . . *Ni mufile sibaka kuli abake* (mwabona?) buhule bwa hae; kono ha lati kubaka.

<sup>233</sup> Mutualime timana yetatama yeo.

. . . *Nika mu kasheza mwa bulobalo* (leo ki lihele), *bo ni ka mu kasheza kubona ni baba fosize ni yena ni ka ba kenya* mwa butata bo butuna, . . . (Koo ki kukena mwa Nyandiso yetuna. Ha ki Keleke, cwale.) . . . *ha ba sa bakeli misebezi ya bona.*

<sup>234</sup> Cwale mutualime kulo, faa.

. . . *Ni ka feza bana ba hae* (mahule ba hae) *ka lifu* (lifu la moyo); . . .

<sup>235</sup> Mwa lumela kana? [Kopano ili, “Amen.”—Mu.] Leo kona Linzwi. “Ni ka ba feza ka lifu.” Mi haiba ba bulaiwa, ba kauhana Kuyakuile. Ku likile. Muhupule, Na mu file sibaka sa kubaka.

<sup>236</sup> Lusika lwa Tiyatira neli lusika lwa lififi. Mupahami wa pizi yensu kiyena ya na pahami ka nako yani, kanti nyangela kaufela ni sicaba nebana ni kulifa ka zona, ni litapelo, ni—ni litapelo za lifosi, ni zeñwi cwalo. Cwale mubone pizi ya hae yensu, he, kasamulaho wa kuhana kubaka mwa Tiyatira, (sikamañi?) u cinca pizi ya hae kuzwa fa pizi yensu kutaha ku ye seta, lifu, kwa bulumiwa bwa hae bwa mafelelezo.

<sup>237</sup> Cwale, Na kona fela kuba mutu yomuñwi nyangano nyana faa. Ku hana Mulimu, kuhana pizo ya Mulimu, u ka eza nako ya mafelelezo. Mi, inge fela keleke yani mo ne i ezelize, ku felile. Mulimu, tibeletelelo, haana ku itiisa kamita ni mutu. Mwabona?

<sup>238</sup> Mi ha Li hana, ni kuhana ku Li amuhela, ki ha cinca ni kuya... Mi cwale una ni libizo la kuli “Lifu,” kukauhana. Mulimu ali, “Kanti mane ni kanga ni bana ba ahe, bona Baipanguli, mi ufi ni ufi wa bona Ni ka ba bulaya ka kauhano ya Kuyakuile.” Ki fo he cwale, Lusika lwa Tiyatira, lusika lwa lififi. Pizi ya hae yensu cwale ifetuha kuba lifu, kwa bulumiwa bwa hae bwa mafelelezo.

<sup>239</sup> Mwabona masika a likeleke mo atamahanelo hamoho ni Maswayo? Ka swanelo fela. Mi luziba kuli Ku lukile. Moya o Kenile ha u ezi mafosisa. Na lu file bupaki bobutuna, nako ya mafelelezo, ha lu ba ni masika a likeleke ze kwa mulaho kwani, mwa ziba.

<sup>240</sup> Mwa bona lilato, pilutelele ya Mulimu! A si ka mu atula kale, A mufa sibaka sa kubaka. Mi ka ka Libizo la Mulena ha Ni bulela se: U file keleke ya Baipanguli taba yeswana, mi haina kueza sesiñwi. Liñusa li nyanganyize kaufela, kono haana kueza sika. Uka ba ni lituto za hae za litumelo ni lituto za bulapeli, Hanina taba ka mo mu ka Li tolokela.

<sup>241</sup> Sina hane Ni bulezi kwani kwa Chocago, zazi leliñwi, fapila bakutazi babañata kufita batu ba bainzi moo! Mi kwani ba ni kama luli, ka za Tuto, peu ya noha ni litaba zeñwi ze kaufela. Se nili, “Yomuñwi atahe ni Bibele ya hae, mi utahe kwanu uyeme fa kaufi ni na kanti.” Mi hakuna ya na bulezi sika.

<sup>242</sup> Tommy Hicks ali, “Na—Na li kuba ni utwe fateni ze Cwalo fateni, Muzwale Branham. Ni bata matepu a eza mianda yemilalu ayona. Ni ka a luma kwa bakutazi baka kaufela.”

<sup>243</sup> Nekuna ni baba mashumi a ketalizoho, ali, “Na taha nina ni to kolobezwa sincá.” Kikuli ne ba tile nji? Hakuna neba yomukana wa bona. Kiñi? Na ba file sibaka sa kubaka! Mi Uka nepela bana ba hao mwa lifu, lifu la moya.

<sup>244</sup> Lu ka feleleza zeo kamuso busihu, haiba Mulena alata, kamba la Pelekelo busihu, fa likoto ze ne filwe. Mu talime se singa sibaka kwani.

<sup>245</sup> Sina za Na file kwa Egepita, Na file Egepita sibaka sa kubaka. Mi koto ya mafelelezo yani neli sikamañi? Neli lifu.

<sup>246</sup> Yani kona koto ya mafelelezo ye potezi keleke ya Pentekota, ki lifu la moya. U shwile. Zeo ki mwa Libizo la Mulena. U shwile ka moya. U mu file sibaka sa kubaka, mi a Si hana. Cwale u shwile. Haana kuzuha fateni ni kamuta.

<sup>247</sup> Ni sicaba sani kwani, silika kutisa mwateni ba Episcopalian ni baprisita, ni babañwi cwalo, ni kuba biza kuli, "Ndate ya Kenile wa *Kuli-ni-kuli*." Kupalañi, ba lukela kuikutwa maswabi luli. Mutu mo akona kubela sibofu! Kana Jesu ha si ka bulela? Foo mwalanjo yani ya lobezi ha taha ku to leka Oli, na si ka I fumana!

<sup>248</sup> Kaufela mina, mwa utwanga batu ha bali, "Ni na ni Moya o Kenile. Ni bulezi ka malimi." Kono ha lati kutaha kwa keleke sina yee. "Oh, mwa ziba, Ha ni lumeli kuli Ni tabelia kuya kwa sibaka se si cwalo." Mi u bulele kuli una ni Moya o Kenile?

<sup>249</sup> Kono wena ubata linzila za hao fela. U bata kuina mwa Babilona ni kuzwelapili kuikola limbuyoti za Lihalimu. Una ni kuba ni keto ya hao. Haukoni kuina mwa lifasi ona cwalo ni kusebeleza Mulimu ka nako yeswana. Jesu na bulezi kuli haukoni kusebeleza Mulimu ni mamona. Kacwalo haiba hauna kulibeleta...

<sup>250</sup> Haiba luli u pilisizwe, uka ikola mikopano koo Moya o Kenile asweli kuipaka Iliyena ni kubonisa kuli Linzwi la Mulimu li cwalo.

<sup>251</sup> Yomuñwi naize, "Sicaba siezanga hahulu lilata. Si ni eza kuikutwa kuikalelwa." Ukaba ya ikalezwi ha u ka yo fita kwa Lihalimu. Mi mu nahane fela, kaufela bona habaliteni, cwale kucwañi he ka seo? Oh, mawi! Mo Mulena ubata kunga...

<sup>252</sup> Unani pilutelele, sina mwa Na bezi mwa mazazi a Nuwe. Na likile katata. Naikatalize fa nako yetelele, ka myaha ye mwanda ni mashumi amabeli, kuli ba kone kubaka. Ne ba si ka baka.

<sup>253</sup> Mwa mazazi a Egepita, A luma likoto ni lika zeñwi kaufela. Ne ba sika eza cwalo.

A luma Joani. Ne ba si ka kuta.

<sup>254</sup> A luma Jesu, ku to shwa, kuli apilise sikwata kaufela se ne sika utwa Linzwi.

<sup>255</sup> Mi cwale, mwa mazazi a maungulo, U sepisize hape kuli Uka luma Liñusa le li ka Mu bizeza kwande, ni kukutisa Tumelo ya makalelo ku Yona, kukutela kwa Linzwi. Mi habana ku Li amuehela. Ba tezi hahulu mwa lituto za kuipangela, mwa lituto za litumelo ni za bulapeli, kufita mane ha ba sa Li tabela. Oh, ba nahana kuli kambe bana ni...haiba Lingeloi ne li ka tuluka; kono Mulimu ha ezi ze cwalo.

<sup>256</sup> U nga ze sina zibo ni ze lyangani, mutu ya sa zibi mane neba ABC ya hae kamba—kamba sika kaufela. Mi kipeto Unga mutu ya cwalo, kakuli Ukona kunga sika se si sina tuso ni kubeleka ka sona. Haibile fela mutu unahana kuli ki sesiñwi, kipeto yoo

hakuna za kona kueza. Kamita kona mwa ezezanga. U lukela kuba noto, kuli ube sika fapila Mulimu. Oh, mawi!

<sup>257</sup> Mulemuhe, hape, “U mu file sibaka sa kubaka, kono ha si ka baka.”

<sup>258</sup> U li ezize hape; haana ku lemuha. Kuhana kwa hae, kwahule, ku mueza, kamba, kuhana kwa hae ku lukiseza Satani nzila ya kutaha ku yena ni kuba mwa mubili. Yeo ki niti. U ipeya iliyena mwa mubili wa hae, kakuli u hanile Linzwi. Mi yeo ki nto yeswana fela yeo keleke ya Baipanguli ibile cwalo, ki lihule, kakuli na hanile Niti le li pakilwe la Linzwi la Mulimu, mi seo sifa diabolosi sibaka sa kutaha ka kuluka mwa mubili wa butu yena kasibili. Mi uka ezeza sibatana siswaniso ha ba ka swalisana hamoho, ona kwabuse kwani cwale, ni kuya fela ona cwalo ka mwa Na bulelezi. Yeo ki niti. Amen.

<sup>259</sup> Kambe Nina ni tuto, Ne ni ka Itisa hande. Na hanina tuto. Ni libelela fela Moya o Kenile kuli u Li patulule ku mina. Mi Yena uka eza, ku bona . . . Yeo ki niti. Uka eza ona cwalo. Eeni. Mulemuhe.

<sup>260</sup> Mutualime mukwa wateni, sa na ezize faa. Na hanile Liñusa la Mulimu kuli abake. Na kalile, ka antikreste, mi kona sa na li sona. Musali ataha, ali mupolofita wa buhata, diabolosi mwa nama, mi, hana ezize cwalo, ka tuto ya hae ya buhata. Mi he, ku zeo kaufela, Mulimu na mu file sibaka sa kubaka, alika kufita ku yena.

<sup>261</sup> Mwa bona pilutelele yateni? Ha ki lilato kwa bunde! Hakuna lilato le li cwalo! Mutualime ku zeo, neba ona mati ani kwa sifateho sa Hae ni lika kaufela, Na ba swalezi ka zona. Yani ki Mulimu, mwabona. Musike . . .

<sup>262</sup> U hana Liñusa la Mulimu! Mutualime, na kupilwe kuli abake, akutele kwa na wezi.

<sup>263</sup> Mi ki kai kwana wile? Kwa Linzwi. Niniti. Ki kai kwa na wile Eva? [Kopano ili, “Kwa Linzwi.”—Mu.] Linzwi! Kopano ne i wile sikamañi? [“Kwa Lizwi.”] Ki fo he cwale. Mwabona? Hakuna nzila yeñwi. Fela, nako kaufela, ki kukutela kwa Linzwi, kukutela kwa Linzwi. Mwabona? Mi ba kutela mwa mulao ni kuba kwahule ni Linzwi, li ba zwisa kwa Linzwi kufita kuli libatise kwa Linzwi. Mulemuhe.

<sup>264</sup> Mutualime, na filwe nako ya kubaka, ni kukuta. *Kubaka* kutalusa ku “kuta kwa mulaho, ku itemuna, ka za sifateho.” *Kubaka*, “kukuta kwa mulaho.” Mi na filwe sibaka sa kukutela koo nabile ni . . .

<sup>265</sup> Cwale muhupule, nali yena wa makalelo, Keleke ya pentekota kuli Moya o Kenile no suluhezi teñi, ka Lizazi la Pentekota. Ki babakai babali ba Bibebe ba ba ziba cwalo? Luli, nali cwalo. Mwabona kwa na wile? Na wile kwa Linzwi, mi a amuhela lituto za litumelo. Na libelela . . . Mwa ziba sa Moya

o Kenile, na bata muuna ya kenile, “Dokota LL., Ph., Q.U.” mi kipeto ba mueza popu. Mwabona? Luli. Kono, musali, kona za na bata, yomuñwi a muezeze litapelo. Yomuñwi... Na lifile fela mashaleňi a hae ku zona, mi kona fela za na nani kueza. Mwabona?

<sup>266</sup> Cwale, ki nto yeswana ni kacenu. Haibile fela bana ni sipula fa kuina, ba kolekanga kapene kaka nonobokile nyana mwa mukeke wa koleko, zeo ki zende kaufela. Ki ma membala ba keleke yani. Musike mwa ba bulelela sika kaufela ka Zona; ha ba tabeli kuziba. Bani ki bana ba hae ba basizana.

<sup>267</sup> Cwale, na wile kai? Kwa Linzwi la makalelo la buapositola bwa baapositola ni bapolofita. Kwani kona kwa na wile. Kwani kona Muipangile kwa na wile.

<sup>268</sup> Mubake! Mukute kwa mulaho! Amukute nako i si ka fela kale. Ha ku sika fela kale nako. Leliňwi la mazazi aa Ngunyana uka zwa mwa sibaka sa Hae, mi kipeto nako ikabe ifelile. Kona ni bana ba hae mo ba buzezwia cwale, ba si ka atulwa kale ni yena, kuli “ba kute.”

<sup>269</sup> Cwale, Liňusa la mafelelezo le ba amuhela, ki fo mupolofita yoo ye Ni ambozi za hae. Zeo, Ni bile ni bala mwa libuka zeňata ka zona. Mi Ni ziba kuli baana ba niti, babande, baba moyo mi baba nahana hande ba ziba kuli zeo za taha. Ba ziba cwalo. Ba ziba kuli za taha, mwabona. Bona... Kono butata bwateni, kikuli, bazwelapili kubuela kuli, “Lwa li tokwa. Li kaba ona cwalo.” Mi ha Li taha, kuli ba ka ba bab ikokobelize hahulu; ba ka Li mbwinja sina mo ne baezelize linako zeňwi. Yeo ki niti. Batu ba ka ñola litaba ka Zona, mi lika kaufela, lili, “Oh, eeni, li lukela kuba ona cwalo.” Mi cwale ni kuli Li bonahazwe fapila bona, mi bazwelapili fela, mwabona. Kacwalo, babile baeza ona cwalo kamita.

<sup>270</sup> Mutualime cwale, Linzwi la makalelo. Bana ni... bana... Una ni kubaka, kuli akutele kwa mulaho, hape, kacwalo bana baba sizana ba buzizwe. Kuli ba hapelezwe... ba ka atulwa, ni ku nepelwa mwa bulobalo bo buswana ni kubulaiwa hamoho ni yena. Ba kupiwe kuli bakutele kwa Linzwi la makalelo, ba kutele kwa Tuto ya ba apositola. Kono, ba tamehile hahulu kwa lituto zabona za litumelo ni lika zeňwi, ze ba tabela. Baeza fela lisheha ka Zona.

<sup>271</sup> Cwale ki sikamaňi se baeza? Mafelelezo ba bupeha mwa siswaniso sa sibatana, mata amaňwi; mulemuhe, ni kuezo, ku Munyaliwa wa Ngunyana, sina mwa na ezelize mwa Sinulo 13:14. Kona ze ba eza, ki kunyandisa fela, kinto yeswana fela. Likeleke lieza fela lisheha Munyaliwa wa niti wa Kreste, sina Rome mwa na ezelize. Ona cwalo fela. Eeni, sha. Likezo ku—ku Munyaliwa wa Ngunyana wa niti ona cwalo fela sina mwa na ezelize mwa Sinulo 13:14.

<sup>272</sup> Cwale mulemuhe. Lubona kuli, ka Linzwi la Mulimu la sepiso, Uka—Uka bulaya bana ba hae, likopano, bana ba hae ba bazisana, ni lifu la moya. Cwale, yeo ki Sinulo 2:22. Musike mwa libala. Ku bulaya, ki ku yundisa ka lifu. Mi *lifu* ki “kauhano ya Kuyakuile kuzwa Fapila Mulimu.” Mu nahane ka zeo, balikani. Mu nahane ka zeo. Musike mwa sepa mwa lituto za ipangezi mutu libe cwani limane. Kaufela se si shutani ni Linzwi, mu inele kwahule ni sona.

<sup>273</sup> Cwale mutualime, mutualime mwa Bibebe mo fa. I bulezi kuli libizo la hae neli Lihele, mi . . . Ni talusa:

. . . libizo la hae *neli Lifu*, mi *lihele ne li mu taha mwa mulaho*.

<sup>274</sup> Cwale, lihele kamita li latelelanga lifu, mwa lika ze zibahala. Mi mutu wa nama ha shwa, lihele la mu latelela; leo ki libita, sibaka sa baba shwile, mwabona, zeo ki mwa nama. Kono ku za moya, ki Lisa la Mulilo, mwabona, ku lukile, kukena mwa kauhano ya Kuyakuile, ko li yo ciselezwa.

<sup>275</sup> Mi—mi Malaki 4 iize, “Halina ku ba siya neba matakala, kamba mutai, kamba kutokwa neba se si kana.” Kona lifiasi mo li lukela kukenisezwa hape, kwa Mileniamu. Mwabona?

<sup>276</sup> Kikuli mu lemuhile, mupahami ki “muuna”? Mi “yena” naswel “mwa” lizoho la hae; “muuna,” mupolofita wa buhata. Kono munyaliva wa hae u bizwa keleke, “musali,” Jezabele. Akabe; Jezabele. Kiñi, ki nto ye petehile fela sina sika kaufela. Mwabona? Mwabona?

<sup>277</sup> *Bana* ba basizana ki “musali,” hape, kono ne ba si ka amuhela zamaiso ya muuna ni yomukana; Baipanguli, ku seo, kono ba sa li mahule ka mikwa, ya tuto ya yona, kopano, milao. Zeo fela ki . . . Kona fela se i bulela.

<sup>278</sup> Mulemuhe. Ze kaufela litaha kwa sikamañi? Cwale, luna ni fela mizuzu ye twelufu, foutini fa, Na sepa. Mutualime kuli se sitaha kwa sikamañi. Kisikamañi seo? Si kutela kwa mulaho mo ne si ezelize, ni kukalela mwa Lihalimu. Si taha kwa mafelelezo a ndwa.

<sup>279</sup> Taba yapili, mwa Lihalimu, nekuna ni ndwa. Lisifa na lelekilwe, mi ataha mwa lifasi. Mi a sinyasinya Edeni; mi kuzwa foo ubile asinya ka nako kaufela. Mi cwale, kuzwa kwa ndwa ya mwa Lihalimu, u taha mwa ndwa ya fa lifasi; mi ina ni kufeleta fa, mwa lifasi, kwa nako ya maungulo, mwa ndwa yebizwa Armagedoni. Cwale, mutu kaufela wa ziba cwalo. Ndwa ne ikalezi mwa Lihalimu, mo ku kenile, mi kacwalo ba mu lahela fande. Mikaele ni Mangeloi a Hae ba mu koma, mi ba mu lundula. Mi ba si no eza cwalo, ba wela mwa Edeni, mi ki yeo ndwa ya kalisafafasi faa. Ya katana . . .

<sup>280</sup> Mulimu na sa silelezi kale bana ba Hae ka Linzwi la Hae. Mi Eva a nangukisa mulala wa hae, ali, “Ni lumela kuli u bulela

niti, mwendi.” Mi ki zeo za ezahala. Mi kubile cwalo, kuzwelela ona koo. Mi Mulimu ataha fafasi, mi cwale Una ni ku . . . U taha ku to liulla baba ka taha kasamulaho.

<sup>281</sup> Sina ha Ni bulezi, Mulimu usana sina muyahi yomutuna. U beya libyana za Hae kaufela fa lifasi, mi kipeto U yaha miyaho ya Hae. Cwale muhupule, ku si kaba kale bubeke bwa—bwa peu fa lifasi, kusikaba kale lizazi le ne li monyeha fa lifasi, mubili wa hao no li mwa liluli, kakuli u liluli la lifasi. Mwabona? Mu cwalo. Mulimu ki yena Muyahi.

<sup>282</sup> Cwale, mwa Na ka liezeza, neli kufita fafasi ni kunga (sina mwa Na ezelize ku Adam) kalsiamu yeñata nyana, potashi, ni liseli la kozimiki, mi, “Whew!” Ali, “Ki yo mwana Ka yomuñwi.” Mwabona? Kipeto Na ka tisa ni babañwi, mi, “Whew!” “Ki yani yomuñwi hape.”

<sup>283</sup> Kono ki sikamañi sa na ezize Eva? Na sinyize ka nzila yeo. Mi akala kupepa ka nzila ka kezo ya kufosa, mi lifu la kena mwateni.

<sup>284</sup> Cwale ki sikamañi Mulimu sa sweli kueza? Una ni lipeu yeñata hahulu kulo kwani, ze lelilwe; yeñata luli, ze lelilwe. Mi cwale, kwa nako ya mafelelezo, Hana kubulela kuli, “Eva, taha u to pepa mwana yomuñwi.” Uka (“Whew!”) biza, mi Ni ka alaba. Ku felile. Kona cwalo. Woo kona mulelo wateni. Wa mafelelezo yani ha sa tahile mwateni, kipeto kona mafelelezo.

<sup>285</sup> Cwale, ndwa ne i kalezi mwa Lihalimu. Ika felela mwa lifasi, mwa kalikiliki ka Armagedoni.

<sup>286</sup> Cwale ha lu talimeñi ni kubona mo litahela. Mi mwendi lwakona ku li putulula. Mulena alu tuse cwale kuli lueze se cwale. Mulitalime ha li putuluha.

<sup>287</sup> Mupahami wa ipitezi, mutualime sa eza cwale; “kulanisa,” kuhana kubaka ni ku kutela kwa Linzwi la makalelo ya Mali. Linzwi la eزوا Mali ni nama. Mwabona? Na hanile kukutela ku Lona kwa mulaho. Ki antikreste! Munyaliwa wa niti wa Linzwi, ki kulw- . . . u shutan ni Munyaliwa wa Linzwi. Unga munyaliwa wa hae luli! U kananisa Munyaliwa yo wa niti, hape. Mi unga munyaliwa wa hae fela, ni ku mutisa ku yena, mwa mufuta wa lituto za litumelo ni lituto za bulapeli. Mwabona? Mi cwale, ka kubona Munyaliwa ya kenile, yena wa li Mu lwanisa. Kono u ikezelize munyaliwa wa hae, ya bizwa antikreste, ka tuto ya antikreste, ye shutana ku Kreste. Mwabona mwa bezi ya butali? Mi cwale, mwa sibaka sa kuba ni swaliso ya lilato, kuzamaisa, kulapela mwataso Mali, una ni kopano. Mwa sibaka sa kuba ni Linzwi, aikungela lituto za litumelo, lituto za bulapeli, ni zeñwi cwalo.

<sup>288</sup> Inge, mi Muipanguli ali, “Tuto ya Baapositola.” Ni bata kuli mu fumane linzwi la zeo mwa mwa Bibebe. Muapositola, hakuna Tuto ya Baapositola mwa Bibebe.

<sup>289</sup> Sina ha Ni bulezi fa, cwale, haki kale hahulu, kamba kokuñwi. Haiba baapositola ne ba na ni tuto ya tumelo, ki Likezo 2:38. Ona cwalo fela mo Ni zibela za kile aba ni zona. Kona ze ne ba bizize kuli mutu kaufela aeze. Ha na fumani alimuñwi wa bona yana bonahala inge kuli nebali Bakreste, ki hali, “Kana mu amuhezi Moya o Kenile kuzwa ha mu lumela?”

Bali, “Ha lu zibi kuli kuna ni . . .”

Ali, “Cwale ne mu kolobelizwe cwani?”

<sup>290</sup> Cwale, ka kukolobezwa ka Libizo la Jesu, kamba ka Libizo la Mulena luna Jesu Kreste, nitaluse, kuli, zeo kaufela li lukile, kono zeo ne si zona kaufela. Batili, sha. Wakona ku kolobezwa linako ze mashumi aketalizoho, ona cwalo, mi u ha si ezi neba nto yekana yende konji haiba pilu yani i cincizwe ka Moya o Kenile. Kaufela zona li na ni kulumelana hamoho. Mulemuhe, ki—ki Kreste!

<sup>291</sup> Antikreste uhana Tuto ya niti ya Munyaliwa, mi kabakaleo unga munyaliwa wa hae cwale ni ku mu bupa, mwatasa tuto ya hae tota. Unga munyaliwa wa hae ni ku mueza kuba kopano ya hae! U ka pepa likopano zeñwi, sina mo ku ñolezwi mwa Mañolo a Kenile; u pepa bana ba basizana. Mi yena haezi . . . U ba fela sina mahe, kwa nama, ka bulifasi, kopano; ku shutana ni Munyaliwa wa moyo, yena Linzwi.

<sup>292</sup> Ha ba buleli kuli ba fumaneha kwa keleke yateñi. Mu ambole ku mutu wa kopano. “Luli, Ni wa keleke.” Kana u Mukreste? “Ni wa keleke yakuli!” Zeo halina ni se sikana sa kueza ka Zona! Ta li . . . Ha u wa Kelek- . . . Wakona, wakona kuba ku se si bizwa kuli keleke, mwabona, kuba kwa keleke. Yeo ha ki Keleke. Zeo ha ki Likeleke. Ani ki mandu a malobalo koo sicaba sitahanga hamoho, ni batu bali, “linyunywani za mafufa aswana.”

<sup>293</sup> Kono wena u Keleke fela iliñwi, mi yeo ki Mubili wa kunutu wa Kreste. Mi wani cwale ha mukoni ku i kopanya ku Ona. Mwa pepwa ku Ona.

<sup>294</sup> Sina ha Ni bile ni bulelanga kuli, Ni bile ni ba lubasi lwa ba ha Branham ka myaha ye mashumi aketalizoho ni zetalu, mi nali kuba ni ikopanye ku lona. Ne ni pepilwe ku lona. Mwabona?

<sup>295</sup> Cwale amulemuhe. Li swanisizwe hande ka bunde. Ni—Ni nani . . . Mañolo a ñozwi kulo fa, kono Ni . . . haluna nako ya kufita ku zona; sina Esau ni Jakobo.

<sup>296</sup> Cwale, Esau nali muuna wa bulapeli. Na sa ipuleli kuli ki ya sa lumeli. Na lumela ku Mulimu yaswana yoo Jakobo na lumela, Mulimu yaswana ndatahe ya ba lumela. Kono nali fela kuluku, kamba mu ni swalele ka mubulelelo wo, fela . . . Na li fela yasiyo hande. Nali—Nali foo, cwale, kuya ka buiswalo, yena luli nali—nali muuna wa likezo zende kufita Jakobo mwa na i nezi. Kono, mwa bona, na sa nahani . . . “Oh, tukelo ya kupepwa ikona kueza

sikamañi ka Sona?" Mi alekisa tukelo ya hae ya kupepwa ku Jakobo. Mwabona?

<sup>297</sup> Kono, Jakobo, na sina lika zetuna, sina Esau mwa na bezi. Na sina buswa bwa na bile ni bona. Kono nekuna ni nto iliñwi yana bata Jakobo, neli ona tukelo ya kupepwa yani. Nasina taba mwa na ka ikungela yona; na ka ikungela yona. Mi Mulimu a mu kuteka.

<sup>298</sup> Mi, he, kinto yeswana ni kacenu, ku mutu wa nama, ngana ya butu, ngana ya mihipulo ya lifasi. "Kihande, Ni wa kwa keleke ya mwa tolopo. Ni wa keleke ya *kuli*. Ni wa ku *yani*." Zeo halina sakueza ni Sona, hakuna sika.

<sup>299</sup> Mutualime, wa ba kopanya cwale fa pizi ya mibala-bala. Usweli wa ba ongaonga hamoho, fa pizi ya hae ya mibala-bala, kakuli uka ni mata zamaiso ya naha.

<sup>300</sup> Ha mu lumeli kuli unai zeo? Kana Mueteleli wa na ha yo natile cwani mwateni? Kanti zeo ne li kalile cwani? Uh-huh! Batile kwantu bakeñisa tukuluho ya bulapeli; mi mina sikhata sa ba tukuluho baba lekisize litukelo za mina za kupepwa kwa litaba za naha! Ha nina . . . katengo ka ba Democrat ka lukile; bubeli bwa bona kaufela ba bolile. Ni bulela za Bukreste. Kono mu lekisize litukelo za mina za kupepwa, fa tikiti ya ba tukuluho, kuli babeye taba yecwalo mwateni. Maswabiswa ku mina!

<sup>301</sup> Kana ha mu zibi kuli na ha ye, handende, i mwa sikuka sa Isilaele njí? Kanti Isilaele na ezize sikamañi? Natile kwa na ha yenca, ni kuhapa bañi ba na ha ku ba bulaya kaufela, ni kukena kuluwa na ha. Kona ze luezize; kwa ma Indian. Bano kona ma American ba niti babaliteni, bona balika baluna ma Indian.

<sup>302</sup> Mi cwale ba ezize sikamañi? Isilaele nana ni baana ba balikani babatuna. Taba yapili mwa ziba . . . Nebana ni Davida, mi nebana ni Solomoni. Nebana ni baana babatuna. Mi mafelelezo baba ni mukwenuheli fa lubona, Akabe, yana nyezi Jezabele, ya sa lumeli.

<sup>303</sup> Kihande, ki nto yeswana ye lu ezize ni luna. Lubile ni Washington ni Lincoln, kono ha mutualime ze se lunani cwale. Mi taba yateni fela, kikuli, u nyezi, ni kutatehiwa ni kuzwakanisiwa mwa buino bwa Jezabele. Wakona kuba mutu yomunde, kono musali yani u ka zamaisa musebezi wateni. Mi mwa li bona cwale, lubasi kaufela lwa taha mwateni.

<sup>304</sup> Ki sikamañi so no ni bulelezi Moya o Kenile, mwendi ka myaha ye seti-faifi kwa mulaho? Mane mina bakale mwa iziba taba yateni, ka lika ze sebene ze ne ka ezahala li si ka ezahala kale. Mi ye ki ya mafelelezo, yelatelelwa ki ya mafelelezo, ynze taha cwalo. Liki zeñwi kaufela za nata hande fa noto, kukalela kwa lindwa ni liki zeñwi kaufela. Mwabona? Mi fa cwale sa li mwa mazoho, a musali, kuli abuse na ha. Jezabele! Mwabona?

<sup>305</sup> Kono, muhupule, mwa mazazi a Jezabele, mutu yomuñwi naba bulelezi mibala ya bona. Mwabona?

<sup>306</sup> Ku kopana, ka mibala ya pizi ya bona. Mi, mwabona, usweli ku kopanya taba ye hamoho, ukopanyize ka lituto za litumelolo, kopano, lituto za ipangezi mutu. Kana ku cwalo? [Kopano ili, “Amen.”—Mu.] Luli, ki mubala o zwakani, mubala o kopani wa bafu, pizi ye seta ya lifasi! Cwale, yeo ki niti. Mibala yekopani ya bafu, mifuta ya lifasi ya pizi ye seta, oh, mawi, hakuna Mali a kenile a Linzwi, ni hanyinyani!

<sup>307</sup> Mi amutalime. Kuzwa kwa kona . . . “Kuzwa kwa makona amane a lifasi, baba klopanya; ku bakopanyeza kwa Armagedoni,” ki Bibele ye bulezi. Ni lika kuhupula Mañolo, sina mo Ni a ñolezi faa. Ha ni a pundi; kono kona mwa ñolezwi, mubone sa li sona. “Ku ba kopanya hamoho, kwa lizazi lelituna la ndwa ya Mulena Mulimu.” Mutokomele. Cwale, ku yona pizi, ye kopani mibala ye, yeseta, ye kula, munahane fela ka zona; mwa ziba, yeo ki nto yemaswe. Cwale mutualime ko abakopanyeza, “Kuzwa kwa maneku amane a lifasi.” Basweli kukopana cwale kwa kangisano. Kangisano ikaba kwa “Armagedoni,” kuya ka Linzwi. Mwabona?

<sup>308</sup> Fa pizi ye seta, inge ba pahami cwalo, yeli “Lifu” kuyona, kamba, ni libizo le li beilwe ku yona, “Lifu,” yena antikreste! Muteeleze. Antikreste, kopano yapili (zeo halikoni kuhaniwa); ni Jezabele wa hae, lihule kwa Linzwi; ni bana ba hae basizana, hamoho ni yena, Baipanguli; banze ba ikopanya hamoho cwale mwa buñwi!

<sup>309</sup> Kana ne mu utwile batu ba Baptisy ha ba bulela zazi leliñwi kwanu, mwa ziba? Huh? “Oh, haluna ku i kopanya ni bona, kono luka—luka ba fela balikani ni ku lumelelana fela ni bona. Haluna ko ba ni kukopana kwa keleke yabona, kono . . .” Ki fo he cwale. Ki fo he cwale, ona cwalo fela Linzwi se li bulezi. Mwabona? Mwabona? Lihule tuwe la kale, mwa sibaka sa pili, mwabona.

<sup>310</sup> Cwale ki bao foo, ba ikopanyize hamoho, bataha kwa kangisano yeo, ya Armagedoni, mi ba pahami fa pizi ya mibala ye zwakani; ni pizi yapili ye sweu, pizi yeñwi ye soto, pizi yeñwi ye nsu. Zetalu zeo, ze shutana: puso—puso ya za naha, mata a moya, a zamiswa ka mata a madimona, ili yena antikreste. Mukopanye zeo kaufela hamoho, mi muba ni yeseta, ye bonahala kukula ya nza pahami kuyona. Kiniti. Cwale mulemuhe. Mutualime fa pahami, pizi ye bonahala buseta, ye lyanganisa, ikopani ni bunsu, bufubelu, ni busweu; utaha kwa ndwa, u kopanya sicaba sa hae kuzwa kwa na ha kaufela yeli mwatasa Lihalimu! Hanili Daniele na tolokile tolo yateni, mi abona mubala wa sipi mwa mubuso kaufela, wa Rome? Ki bao ba taha, bakopana.

Cwale muine mu kuzize halunze lu kwala, fa muzuzu fela, mi muteeleze ka tokomelo.

<sup>311</sup> Basweli ku kopana cwale kuli baeze cwalo, utisa sicaba sa hae kuzwa kwa maneku amane a lifasi; upahami ye seta, yekula, ya mibala yemilalu, pizi ye zwakani. Ki mutu ya swana!

<sup>312</sup> Cwale, mwa Sinulo 19, ha kikuli fela ki yena ya itukisa, kono Kreste u itukisa ku kopana ni yena. Ndwa ikaba ye tuna mi ye bukiti. Kreste, mwa Sinulo 19. Kreste u kopanyize ba Hae, isiñi kuzwa kwa maneku amane a lifasi, kakuli ku kaba bo masiyaleti baba likani. Ki sikamañi Sa sweli kueza? Uswelí kuba kubukanya kuzwa kwa maneku amane a Lihalimu. Luka fita kuzona, “mioyo yeli mwatasa aletare,” kamuso busihu, mi mu ka bona haiba ki niti, kamba nee. Maneku amane a Lihalimu; fa pizi yesweu-twaa sina litwa!

<sup>313</sup> Ni yena hape una ni Libizo, isiñi lifu, kono, “Linzwi la Mulimu,” Bupilo. Amen. Li ñozwi fa silupi sa Hae fa, “Linzwi la Mulimu.” Bwani kona fela Bupilo bunosi, kakuli Mulimu ki yena fela mukalisi wa Bupilo Bobusafeli yaliteni. Zoe! Ki niti kana? [Kopano ili, “Amen.”—Mu.]

<sup>314</sup> Mi U nani zeñozwi kuli, “Bupilo,” inza pahami fa pizi; mi ki yo fa muuna ni mata a mifuta yemilalu a kopani, u bizwa “Lifu.” Inza kopanya baika ba hae ba lifasi; mi Kreste ukopanya batu ba Hae ba mwa Lihalimu, balumeli. U na ni “Lifu” le li ñozwi ku yena; Kreste una ni “Bupilo” bobu ñozwi ku Yena.

<sup>315</sup> Baba zamaya ni Yena ba pahami ba lipizi zezweu, ni bona, mi ba bizwa kuli, “Baketwa haisamba lifasi litomwa.” Amen! Mi ba sepahala kwa Linzwi. Amen! Whew! Na lata cwalo. “Babizizwe, baketilwe, kusika tomwa kale lifasi.” Mi he, ba sepahala kwa Linzwi, ka kuketa kwa bona, kaufela bona ba susumezwa ka veine yenza ni Oli, banze bataha fela ona cwalo, ku to mu katanyeza. Ba ziba kuli Mishika i ka lu kaliseza taba, cwanoñu nyana. Mwabona?

<sup>316</sup> Mutualime. U eza cwani? Kacwalo, haiba ki Yena Linzwi, mi Libizo la Hae ki Linzwi, kona kuli Linzwi ki Bupilo. Antikreste; sika kaufela se kuli *anti* ki “bulwanisi,” kacwalo *anti* ki “bulwanisi” yena Kreste, ili Linzwi. Kacwalo, ilukela kuba tuto ya tumelo, kamba kopano, ye lwanisa Linzwi.

<sup>317</sup> Kiñi, Ha ni boni mo mukona ku li mbwinjeza. Haiba mu—mu utwisisa, mukona cwani ku li mbwinja? Ha ni zibi mo mu ka konela.

<sup>318</sup> Mi yeo ki niti. *Anti* ki “bulwanisi.” Kana ki cwalo? “Ku zwisa ku zelitevi.” Zeo kona za na li zona. U pahami pizi ya hae ye zwakani mibala. Lu liboni ona mwa Lizwi la Mulimu mo.

<sup>319</sup> Lu liboni mwa masika a likeleke zesupa ani. Fa Wa li tisa hape mwa Maswayo, wa kwalula ni ku ba bonisa lika ze ne ezahala, mwatasa masika a likeleke.

<sup>320</sup> Anti ki “bulwanisi” kwa Linzwi. Mwabona libaka, lituto za litumelo, ki libaka mañi le lu lwaniseza hahulu lituto za litumelo ni likopano? Kakuli li lwanisa Linzwi. Mwabona?

<sup>321</sup> Fa lubona Bupilo ni lifu ze taha kwa kangisano ya mafelelezo. Pizi ye sweu, ya Bupilo bwa niti; pizi ye seta, ya lituto zekopano. Ba bona taba yateni haitaha kwa—kwa kangisano ya luli.

<sup>322</sup> Cwale Ni bata kubulela nto yeñwi fa. Hakulata hamukoni ku lumela taba ye. Kono Ni italimile, kuli ni i kolwisise. Kuna ni fela mubala ulimuñwi wa niti, mi wo ki busweu. Ki ba bakai baba ziba cwalo? Kuna ni fela mubala ulimu wa makalelo. Yeñwi kaufela, ki ya kukopanya.

<sup>323</sup> Kreste u pahami ku yesweu-twaa, Linzwi le li si ka zwakisa, kuzwa kwa simuluho. Amen! Amen! Mubala kaufela ukona kuba busweu haiba mibala yeñwi ha i si ka ekezwa ku ona. Amen! Kanya! Keleke kaufela ikona kuyema fa Tuto ya buapositola bwa Linzwi la Mulimu, ni Mulimu inza paka ona Cwalo, kambe nasina lituto za litumelo kamba likopano ze kopani ku Yona. Ki fo he cwale.

Oh, Muzwale Evans, Ni ikutwa hape cwale! Eeni, sha. Eeni, sha.

<sup>324</sup> Ki mubala fela ulimuñwi kona wa makalelo, mi woo ki busweu. Hausika—hausika zwakana kale ni lituto zeñwi za likopano. Batili, sha.

<sup>325</sup> Mi, muhupple, balumeli ba Hae ba apezi likubo zesweu, isiñi ze tampakani ni likopano ni lituto zateñi. Cwale lu fumana kuli, lituto za likopano, fa kona fo mu na ni mubala wa mina o zwakani. Kono wo kona mubala wa makalelo Wa pahami. Mubala wa makalelo uinzi fa sicaba sa Hae. Mi ba cimbekilwe mwa Mali, kona akenisize sapalo seo, ni ku si luma kwabuse koo. Mwabona? Yeo ki niti.

Bona bene ba kopanyize, ba fetuha buseta ni kuya kwa lifu.

<sup>326</sup> Ki kulyanganisa, ki lyanganisi, kukopanyanga mibala ni busweu; mwa lyanganisa mubala wa makalelo. Ki niti nji? Haiba mubala wa makalelo, mubala unosi fela, ki busweu, mi mwa kopanya mwateni sesiñwi ni ona, ke le mulyanganisa musebezi wa ona wa niti. Amen. Kana ki niti yeo?

<sup>327</sup> Mi, kanti, haiba ki Yena pizi yesweu, mi ki Yena Linzwi; kipeto, kuli mukopanye sika kaufela ni Seo, tuto ya mufuta ufi kaufela, muekeze linzwi ku Lona, muzwise Linzwi ku Lona, ki kulyanganisa taba yateni kaufela. Oh, mawi! Aku ni buluke ka Linzwi, Mulena!

<sup>328</sup> Niti ni kufosa! Oh, mawi! Hakuna taba kamba ki zende kuli... Niti ni bufosi halikoni kukopana. Halikoni kukopana. Ikana yaba kuli SA BULELA MULENA KISONA kamba li fosahalile. Hakuna taba kamba ndate ya kenile ubulela lifi, Saint

Bonifer, kamba—kamba ki mbishopu yomutuna wa Canterbury; Ha ni zibi ya libulezi. Haiba za shutana kwa Linzwi, ki lyanganisi. Halia kuswalana. Muli, “Kiñi, mutu yo za ezie...” Hanina taba sa eza, kamba ki ya kenile cwani, kamba sika kaufela se si cwalo. Ye kona fela Niti ye yemi hande yelu nani. Hakuna keleke, hakuna tuto ya tumelo, yena ni Niti, haiba i kwande a Se.

<sup>329</sup> Mi amuni bonise yanani Yona. Fela, Ni bata kuli mu ni bulelele. Ni ka apula likepe mwa Bibele, ni ku mi bonisa taba yeñwi. Mwabona? Ni ka bulela fela iliñwi. Mu li, “Pentekota.” Oh, mawi! Ni sweli fela mulelo wa yomuñwi moo. Kona ha Ni u bulezi. Mbwesha mu tuhele zeo, ona fa cwale, kakuli Ni si boni seo sikalile kuba cwalo foo. Hani—hani si ka bata ku ku utwisa bumaswe, kono Ni—Ni bata fela kuli u zibe kuli Na ziba zo no sweli kunahana. Mwabona?

<sup>330</sup> Ze ne kopanyisa, ne li fetuha (kuba anti) kwa lifu. Li fetuha mubala wa lifu, ha mu kopanya mukwa wa sika kaufela ni sa makalelo.

<sup>331</sup> Kuswana sina Kreste ha ba bulela za peu ya masitete. Ibo, ki yenyinyani hahulu kwa lipeu kaufela, kono haiba kukopana ni zeñwi. Masitete haikoni kukopana ni yeñwi. Yona ki ya niti. Kona kuli haiba muna ni tumelo yekuma foo, mu kumalele fela ku yona.

<sup>332</sup> Mulemuhe. Bupilo ne bulatelela, mupahami wa pizi yesweu, Yanali yena Linzwi, Bupilo, ka kupakiwa Ki balumeli ba Hae baba zuhile bene banzi ni Yena. Cwale kana ndwa ika ba teni cwani?

<sup>333</sup> Jesu naize, “Ya lumela ku Na, ni ha shwile, u ka pila hape.” Mi ali, “Haiba mu lumela ku Na, niha mu—mu shwile, mu ka pila hape. Mi ya pila kaufela mi a lumela ku Na hana kushwa.” Hape, Na ize, “Ya lumela ku Na... Uka mu fa Bupilo Bobusafeli, uka mu zusa kwa mazazi a mafelelezo.” Leo ki Liñolo la Hae le li sejisizwe.

<sup>334</sup> Ki yo Satani wa taha, ni makona amane kaufela a lifasi, ni Baipanguli ba hae ni ba—ba Katolika ba hae, ni kamukana bona, ba ya inge bacaula kwa Ndwa ya Armagedoni. Ku lukile.

<sup>335</sup> Mi fa kutaha Jesu, uzwelela kwa Lihalimu, ni balumeli baba zuhile, Linzwi le li pakilwe.

<sup>336</sup> Ni ize, haiba Mulimu abulela, kamba wa ku luma, Uka... U—U ka yemela so bulela. Mwabona? Mulemuhe, haiba u ndumeleti yazwa kwa Lihalimu, Lihalimu kaufela li mwa mulaho wa hao. Mi Lihalimu li zibahala ka Linzwi. Uh-huh.

<sup>337</sup> Mulemuhe, cwale, U tile ni balumeli baba zuhile, kupaka kuli Linzwi la Hae ki la niti.

<sup>338</sup> Kacwalo Satani wa ziba, cwale, kuli mukoti osina mafelelezo u mu libelezi. Mwabona? Oh, mawi! Hakunze, lifu kona lene li

pahami pizi yeseta, ili kuzwakana zwa lituto za litumelo ni za likopano, ni ku latelela mwa mulaho, oh, mawi, kwa kauhano ya Kuyakuile ni Mulimu. Kwani konakwa na ba isize, kwa kauhano ya Kuyakuile.

Kreste na pahamisize Keleke ya Hae mwa Kanya, mwa zuho.

<sup>339</sup> Mulemuhe timana ya 8 cwale, hande fela... siemba sa mafelelezo sa timana ya 8, hanze lu kwala, mwabona.

. . . a fiwa mata . . .

<sup>340</sup> Ki mañi yabiza “bona”? Mwabona? Ku lukile. Antikreste, ubizwa “Lilfu.” “Lihele mwa mulaho.” Mutualime musebezi wa hae ka maneku a mane.

<sup>341</sup> Antikreste, pizi yesweu; ubulaya ka moyo, ka kuba antikreste; kubulaya ka moyo.

<sup>342</sup> Ya bubeli, pizi ye soto; ubulaya ka mukwale; mibuso ya linaha, fani keleke ni naha ha likopana.

<sup>343</sup> Pizi yensu; miyo, ha na fa tuto ya hae, ni musali ki za na ezize kwani ni buhule bwa hae. Mi apima lico za bona, ka si... alekisa zabona . . . zene ba lifa ka lico, fa sikala, ni masheleñi, ni zeñwi cwalo.

<sup>344</sup> Yabune, pizi ye seta; kauhano ya Kuyakuile ni Mulimu. Hape, yabune, mwabona. Oh, mawi!

Ku lumbwe Mulimu!

<sup>345</sup> Cwale, mafelelezo, fa ka kukwala. Ku bani... Kana muna ni... Ni fitelezi nako, kono kikuli muka nifa kwateni mizuzu yelishumi fela? [Kopano ili, “Amen.”—Mu.] Nina ni lipizo zeñata hahulu, kacenu, kaza—kaza kubulela kwanu.

<sup>346</sup> Nekubile hahulu kufiteleza kwa tumelo ko ne ku kalile, ka za Elia, kufitela mane zeo seli... Li—li natile fa lifu. Mi mwa kona... Kihande, mu tuhele fela... Fela Mulimu ani tuse kuli ni mi tuse kubona se Ni talima. Kana muka eza cwalo? Halu likeni fela, mwabona.

<sup>347</sup> Cwale ki ye fa, ka kukwala, ku ba ba sa lumeli kuli mulumiwa wa mafelelezo kwa lusika lwa keleke ki Elia mupolofita, muuna ya tozizwe mwa mukoloko woo.

<sup>348</sup> Kasamulaho wa lifu... Mutualime. Kasamulaho wa lifu, wa lusika lwa hae lwa mafelelezo... Cwale, mulemuhe se ne si ezahalile, mwabona. Kasamulaho wa lifu, mibili ya bona ye shwile i sinyizwe ki lifolofolo za mwa naheñi. Mwa ziba cwalo. Cwale, yeo ki niti. Kuswana sina zabona, ne ba na ni mufuta wa Jezabele.

<sup>349</sup> Cwale amu apule mwa Sinulo 2:18 ni 20. Ni lumela kuli lubile ni yona mwa mizuzu nyana yefitile. Nji cwani? Eehe, Ni lumela kuli luitalimile yeo. Ne ninani yona iñozwi fa kokuñwi... Eeni. Nako ya kubola kwa buiswalo, kona sene sili sona. Mwabona mo ne liinezi, mwa na tezi Jezabele mwateni. Cwale, Jezabele

ki likeleke, yona keleke ya kacenu yee; isiñi Munyaliwa, cwale. Jezabele, mwa Testamente ya Kale, ki mufuta wa keleke kacenu, kuya ka Linzwi la Mulimu, la Sinulo 2:18, 20.

... *ufa Jezabele, musali ya ipiza mupolofita, . . .*

<sup>350</sup> Mwabona? Kana ku cwalo? [Kopano ili, "Amen."—Mu.] Cwale, li swanisizwe hande ku Jezabele. Cwalem wa pili . . .

<sup>351</sup> Lukona fela ku mifa Mañolo ni Mañolo, mwabona, lusika lwa mafelelezo ki Liñusa la sipolofita kwa Keleke, ku ba bisa kukutela kwa Linzwi la makalelo. Cwale mulemuhe. Kana ku cwalo? [Kopano ili, "Amen."—Mu.] Malaki 4 ibulezi cwalo, ni amañwi, Sinulo 10:7, ni kushetumuka cwalo. Mwabona? Jesu Kasibili na li bulezzi, kushetumuka, kushetumuka, kushetumuka. "Sina mo ne kuinezi mwa mazazi a Lota," ni zeñwi ze cwalo, ni kushetumukafafasi cwalo. Li zwalapili fela kutaha fasasi.

<sup>352</sup> Jezabele ki mufuta wa keleke ya kacenu kakuli Katolika ni Muipanguli ba kopani hamoho cwale. Hakuna—hakuna ku li potoloha. Bubeli bwa zona ki likopano, kona kuli ki—ki me ni kezeli, kufelile. Ba hohana ni ku ikananisa bona, kono ki lika zeswana, bubeli bwabona ki mahule. Cwale, Ha ki na yabulela cwalo. Ni bulela zeñozwi KISONA SA BULELA MULENA. Mwabona? Ku lukile.

<sup>353</sup> Cwale lu lemuha kuli, ba bulaiwa ka taelo ya Mulimu, neli Jezabele, ya na bulailwe kakuli Mulimu nana ni Jehu kuli aye kulo kwani mi amu nepela mwa lihaulio, mi abulaya Jezabele. Mi linja za ca nama ya hae, (kana ku cwalo?) Jezabele yemuziba. [Kopano ili, "Amen."—Mu.] Akabe, mulena hae, toho; linja za kapa mali a hae, sina Elia wa pili mwa na bulelezi. Mwaboa ko luya, nji cwani?

<sup>354</sup> Kiñi? Elia wa pili neli muuna ya hanilwe, ki likeleke. Mi Jezabele ni Akabe neli toho ya likeleke zani, keleke ni naha, kaufela hamoho. Mi Elisha a patulula libi za Akabe ku yena, ni kulaela keleke kaufela kufetuhela kwa kwa Linzwi la niti.

<sup>355</sup> Haiba zeo ha ki zona za lukela kueza Elia wa buleli ha sa tile kwa keleke ye mwa lizazi lee, "ku to kutiseza Tumelo ya makalelo"! Ha ni boni mo muka hamuleha kuzwa ku Zona. Yeo ki niti. Amukutele kwa Linzwi la niti! Yeo ki niti.

<sup>356</sup> Cwale haiba mubata kubona mibili ya bona, ha lu apuleñi fa mwa Sinulo 19, kasamulaho—kasamulaho wa Linzwi ku ba bulaya. Cwale, Linzwi li ka ba bulaya. Mwa ziba cwalo. Ku lukile. Cwale mutualime fela mubone se si ezahala ha Taha Kreste, mwa Sinulo 19, kukala ka timana ya 17.

*Mi Na bona lingeloi le liyemi mwa lizazi; . . .*

<sup>357</sup> Cwale, foo ki kasamulaho wa, mutualime fahalimu fa, "Mi sapalo sa Hae si cimbekilwe mwa mali. Mi U bizwa MULENA WA MULENA, NI MUBUSISI WA MUBUSISI." Mwa timana ya

13, "U bizwa Linzwi la Mulimu." Mwabona? Cwale, ki Yo fa,  
"MULENA WA MULENA, NI MUBUSISI WA BABUSISI."

*Mi Na bona lingeloi . . .*

358 Cwale amutalime. Wa ya cwale.

*Mi mwa mulomo wa hae ne kuzwa mukwale o buhali,  
o ka ona u ka bulaisa linaha: . . .*

359 "Mwa mulomo wa Hae," inge kuzwa mwa mulomo wa  
Mulimu kutaha mwa mulomo wa Mushe. Mwabona?

*. . . mi uka a lisa ka mulamu wa sipi: mi . . .  
ukahatikela mwa silubelo—sa mabifi a buhali bwa  
Mulimu ya Mata kaufela.*

*Mi una ni libizo . . . le li ñozwi fa siapalo sa fa silupi  
sa hae ili, MUENA WA MULENA, NI MUBUSISI WA  
BABUSISI.*

*Mi Na bona lingeloi . . .*

360 Cwale mutualime. Cwale Wa taha, uto nata. U nata bomañi?  
Jezabele ni Akabe wa hae, mupolofita wa buhata.

*Mi Na bona lingeloi leliñwi le li yemi mwa lizazi; mi ka  
linzwi le lituna, la biza linyunywani kaufela zefufa mwa  
mbyumbyulu la li, A mu tahe mu to kubukanelia mukito  
omutuna wa Mulimu;*

361 U ba fepa kwa libatana ni linyunywani. Cwale mutualime  
fa mwa kauhanyo yeñwi fa, ya Buka ya Sinulo. Mi, fa muzuzu  
fela, "U ba bulaya ka mukwale, ni lifu, mi libatana za lifasi." Mwabona? Keleke ya Jezabele, yena (mane) mibili, ulukela  
kuciwa ki linyunywani ni libatana za mwa naheñi. Ona cwalo  
fela sina Akabe ni Jezabele mo ne ba inezi, mwa nama, kona mo  
ba ka bela ni bona, mwa buino bwa moyo, ki keleke. Kana mwa  
bona ze Ni talusa? [Kopano ili, "Amen."—Mu.] Ku lukile.

362 Za Elia . . . Oh! Elia na li mupolofita mwa mazazi a Akabe  
ni Jezabele, mwa nama. Mi usepisize kueza nto yeswana, kuya  
ka zakuli KISONA SA BULELA MULENA, mwa Linzwi, ku  
Jezabele, ka moyo; bulumiwa bwa hae bwa mufuta wa Moya.

363 Mutualime. Elia, niteñi, mwa lizazi la hae, na pakiwe hande  
mi ka tokomelo, na si ka ba sikululela kwa Linzwi. Kana ku  
cwalo? Nihaike, Elia na likile, ni lika kaufela. Na ezize lika  
kaufela. Na—na ba bonisize lisupo ni ze komokisa; mi ba seha  
inze ba mu talimezi. Kinto yeswana ye ba ka eza ni ku za moyo  
fa, mwabona. Na si ka ba kutisa kwa Linzwi. Kuzwa mwahala  
bo lule . . .

364 Cwale amuteeleze, keleke, ka tokomelo cwale, mina baba  
lwangani nyana fa yaba ye.

365 Kuzwa mwahala bo lule mwa lifasi, mwa mazazi a Elia,  
linako za na busa Jezabele ni Akabe, mwa—mwa mufuta o  
shutana kacenu; kuzwa mwa lifasi kaufela, nekuna ni fela baba

mianda ye supa bene bapilisizwe, kwa kutazo ya Elia. Kana ki cwalo? Yeo ki niti.

<sup>366</sup> Mutualime, Elia mane na sa zibi kuli nekuna ni neba alimuñwi wabona ya cwalo. Na hupula kuli nali yena fela anosi ya pilisizwe, kufitela Mulimu akwalula leliñwi la Maswayo ni ku mu bonisa kunutu mwa Buka, kuli Nana ni ba ba mianda ye supa be ne ba si ka kubamela kwa lituto ze ne banani za litumelo. Mi Mulimu Ato apulela Elia Buka, ali, “Cwale libelela fa muzuzu, mwana ke. Ni sa na ni baba mianda ye supa babali teni kokuñwi, baba na ni mabizo abona mwa Buka kuzwa haisamba kutomwa mutomo wa lifasi. Ki ba Ka.” Whew! Mulimu akwalula Maswayo.

<sup>367</sup> Kona ha Ni nahana kuli kanti kona za na huwakela Joani busihu bobuñwi. Hakulata na boni libizo la hae Mwateni, mwa bona. Mwabona?

Zazi leliñwi Mulimu akwalula . . .

<sup>368</sup> Elisha, na sa kutilize. Na sa ezize lika kaufela, mi—mi—mi akutaza ka pilu ya hae kaufela. A eza kaufela za na konile kueza, kono niteñi ba “museha” fela, ku muiza lika kaufela, ni kubulela kuli, “Ki wena ya tisa litaba ze kaufela. U munuhi. Ki wena ya tisa butata bo kaufela. Una ni mulatu,” ni lika kaufela ze cwalo. A bulela lika kaufela ku yena. Jezabele a bemba ku mu puma toho, ni lika zeñwi kaufela. Yeo ki niti. Mañi ni mañi na mu lwanisa.

<sup>369</sup> Mi cwale ki hali, “Mulena, Ni mano eza ze kaufela, kaufela zo Ni bulelezi kueza! Ni pilile hande ni Linzwi la Hao. Ha U ni bulelezi sika kaufela, Ne ni sina sabo. Ni ile fela fapila mulena, ni lika zeñwi kaufela, ni ku ba bulelela kuli, ‘SA BULELA MULENA KISONA.’ Kono ha U si ka ni bulelela sika, mi ha Ni si ka ba bulelela sika kono kamukana li ezahalile. Mi cwale ki Na yo fa, ni nosi fela ya siyezi, mwahala sikhata kaufela. Kina fela ni nosi ya siyezi, mi ba lika ku ni bulaya.”

<sup>370</sup> Mulimu ali, “Ni ka kwalula leliñwi la Maswayo ni kubonise nto yeñwi.” Ki hali, “Wa ziba, Nina ni baba kuma fa mianda ye supa kulo kwani, bao mane ha ba si ka kubama kale ku . . . ikopanya kwa tuto ifi kaufela ya litumelo mane, likopano. Kuna ni baba mianda ye supa baba itukiselize Kuungelwa, mwabona.” Oh! Oh! Abulela ku mupolofita wa Hae, yo Apatulule Linzwi la Hae, mwabona, ka Mañolo. “Nina ni mabizo a baba kuma fa mianda ye supa, ona mwa lusika loo; baba mianda ye supa ba bona. Ha ba si ka kubama kale mañwele abona ku usili” (haiba Ni kona kubulela sina lizazi la lee) “likopano za bulapeli, ni kutimbelela lituto za lituto, ku bona.”

<sup>371</sup> Mwa bona se Ni talusa? Kipeto, sina ni kuba ona cwalo. Sina ni kuba fela. Mi ki kuya ka Linzwi. Mi mutu yani ha ka taha, u kaba mupolofita. Kuya fela sina mo Ni yemezi fa katala fa. Mwabona? Mi uka ina hande ni Linzwi leo. Hana

ku li kutisa mwatasi bakeñisa tuto ya tumelo ya mutu usili. Yeo ki niti. U kaba mutu ya tabela mishitu cwalo, sina Elisha mwa na bezi, yena . . . ni sina Joani mwa na tezi. Uka—uka toy basali, (mushimani!) basali ba matanya! Whew! Mushimani, u ka ba hatikela! Elia na ezize cwalo, ni Joani nae zize ze swana. Mwabona? Mwabona? Mi ukaba hande ka Linzwi lateni. Uka ba—ba ya lwanisa likopano. Kopano? “Musike mwa hupula mwahala mina kuli, ‘Luna ni Abrahama ndata luna,’ kakuli Ni li Mulimu wa kona kuzusa bana ba Abrahama kuona macwee aa.” Mwabona? Luli aeza cwalo.

<sup>372</sup> Cwale, ki fo he cwale, balikani. Ki leo Liswayo la Bunse, likwaluhile. Ni bapahami ba lipizi zene ba patuluzwi, kuya ka mo ni zibela hande. Cwale ze kona ze ne ezahalile mwa lifasi.

<sup>373</sup> Liswayo lelitatama, lu bona, ki mwa Lihalimu, koo miyo inzi mwatasa aletare.

<sup>374</sup> Cwale, ka kukwala fela, Ni bata kubulela zepeli zee . . . ki manzwi alikaní fela, ona fa, o Ni ñozi faa. Lu tulile zeñwi, fa Maswayo amane aa, Maswayo apili amane.

<sup>375</sup> Cwale, kamuso busihu, lwa—lwa cinca sibaka, kuzwa mwa lika ze ezahala fa lifasi. U talima mwa halimu mi ubona miyo yeli mwatasa aletare, ye talekilwe, aletare.

Busihu bo butatama, katulo ya tuluka.

<sup>376</sup> Mi busihu bwa bune, kamba busihu bwa mafelelezo, la Sunda busihu, Ha ni sa ziba. Ha ni zibi kuli zeñwi ze litalusa ñi. Ni li balile fela, sina mina mo mu balezi. Kono, “Nekubile kukuza ka licika la hola,” kono kuna ni sene si ezahala. Ni libelezi kuli Yena a Si patulule. U ka si eza. Ni kolwa kuli Uka eza.

<sup>377</sup> Neluna ni kuya, mwa libaka zeshutana mwa Mañolo, kwa Sinulo 19, kubonisa Kutaha kwa Kreste ya ka bulaya antikreste. Kona libaka ha Ni siile ze, kunga fela litimana zepeli zeo. Ni ile mwa libaka zeshutana za Mañolo, kuli ni pake litaba zee. Kacwalo kona libaka ha Ni ile kwa Sinulo 19, kuli nibonise mafelelezo a antikreste, mwa ka bulayelwa; ki Kreste, nako Ya taha, Uka bulaya antikreste.

<sup>378</sup> Mwa Sinulo 10, kubonisa Liñusa la lingeloi la busupa lelikaba mutu, mwa mazazi a mafelelezo aa, ya tozizwe ki Mulimu kwa bulumiwa mane inge Elia mupolofita mwa na bezi, sina mo ku bulelezwi mwa Malaki 4, ku to patulula Linzwi la Mulimu la (makalelo) mwa lusika loo, Linzwi la Mulimu la makalelo mwa lusika loo. Sina mwa na ezelize ku Jezabele wa nama, kona mwa ka ezeza ni yena muuna yo kuk Jezabele wa moyo, ili likeleke za likopano. Ni ile mane ni mwa kauhanyo ya 7 . . . kauhanyo ya 10, 1 kuisa fa 7, kubonisa kuli neli niti. Mi ni mwa Malaki, ni Amosi, ni zeñwi cwalo, kubonisa zeo.

<sup>379</sup> Elia neli mupolofita ya na polofitile ni kunyaza Jezabele, mwa lusika lwateri lwani.

<sup>380</sup> Mi Elia na si ka shwa. Luli na si ka shwa. Na bonahalile hape, kasamulaho wa myaha ye eiti handeleti, kwatuko ni Jesu Kreste, fa Lilundu la Petuho. Ha si ka shwa.

<sup>381</sup> Cwale, lu fumana kuli Moya wa hae una ni kutoza mutu, kuya ka sepiyo ya Mulimu mwa mazazi a maungulo; ku sepsizwe zeswana mwa moya wa Jezebele, sina mo ne kuinezi ku Jezabele wa nama, mwa lusika lwa mafelelezo.

<sup>382</sup> Kona ha Ni—Ni ile hahulu mwa Bibele, ku bonisa cwalo, kuli lisike za siya puzo mwa munahano wa mina. Haiba i teni, mu ni zibise. Kihande, mu ni ñolele liñolo kamba kañolo nyana.

<sup>383</sup> Mi za tamahana hande luli, neba kwa lifolofolo ze ka sinyiwa mibili ya zona mwa lizazi la mafelelezo, ku li cisa sina mo ne ba ezelize linako zani.

<sup>384</sup> Kuya ka swanelo ya sinulo yaka, ye ne filwe kuna ki Mulimu ni kubulelwa kuli li ka ezahala, ye ki Niti ka za bapahami babane ba lipizi, ku ya ka mo Ni zibela.

<sup>385</sup> Mu nahana sikamañi ka Jesu? [Kopano ya nyakalala—Mu.]

Na Mu lata, Na Mu lata  
Kakuli U ni latile  
Ni kuleka puluso yaka  
Fa Kalvari.

<sup>386</sup> Cwale muhupule, kusina neba . . . (Kona cwalo; muzwelepili; zeo ki zende.) Kusina kuba ni maikuto a maswe ku mutu ufi mwa likopano! Kakuli, Mulimu una ni bana mwa mulao wa Katolika. Una ni bana mwa mulao wa Methodist. Una ni bana mwa mulao wa Baptist. Ki ba bakai bao, ona milao yeshutana yani kaufela, baba yemelwa ki yona mo busihu cwana, baba bazwile ku yona nako ye mu bona Liseli? Halu boneñi mazoho amina. [Kopano ili, “Amen.”—Mu.] Cwale, muhupule, kunani batu kwande kwande baswana fela ni mina. Kono ki mulao kona o bulaya, mwabona. Ki moya wa antikreste o ba fitisa mwa sibaka sa kuli ha ba na ku utwa Niti.

<sup>387</sup> Mwa hupula busihu bobuñwi, ha ne Ni fita ku za kuswaya? Haiba mutu na ka utwa pizo ya tukuluho, mi uhana kuya a lukuluhile, na isifa fa musumo mi lisuba ne li punyiwa kwa zebe ya hae. Zebe kona ko utwela. “Mi tumelo itaha ka ku utwa.” Mi haiba a Li utwa, kono uhana ku amuhela tukuluho ya hae, kipeto una . . . ni ku sebeleza mulen’ a hae wa kopano bupilo bwa hae kaufela. Amen.

<sup>388</sup> Oh! Oh, mawi! Kana ha Ki yomunde nji? [Kopano ili, “Amen.”—Mu.]

Na Mu lata, Na . . .

Ha lu nanuleñi fela mazoho a luna ni ku Mu lumbeka.

Kakuli U ni latile (Kanya!)  
 Ni kuleka puluso yaka  
 Fa Kalvari.

<sup>389</sup> [Muzwale Branham ukala kuňuňuna *Na Mu Lata*—Mu.] Cwale a muinamise fela litoho zamina, mi ha lu Mu lumbekeni cwale halunze lu ſuňuňuna cwalo. [Muzwale Branham, uzwelapili kuňuňuna *Na Mu Lata*.]

<sup>390</sup> Mulena, mo lubezi baba itumela! Ni tabile hahulu, Mulena, ni tabile hahulu ka Wena ni sicaba sa Hao. O Mulena, U lekile puluso ya luna fa Kalvari. Lwa i amuhela ka tabo luli, Mulena.

<sup>391</sup> Cwale lu like, Mulena, ka Moya wa Hao. Mi haiba kuna ni bumaswe bufi kaufela mwahala luna, Mulena, ku sa lumela kaufela kwa Linzwi, mutu ufi kaufela mwahali mo, Ndate, yasike ku alaba kwa sepiso ya Mulimu kaufela kuli “amen”; lumeleza Moya o Kenile kutuluka cwale, Mupahami wa pizi yesweu, foo Moya o Kenile, Moya wa Kreſte, mwa sifateho sa antikreste, ni kubiza Ba Hae. Ba bize, Mulena.

<sup>392</sup> Mi cwale ha ba bake, batahe kapili ku Wena mi ba tazwe ka Oli ni veine; ni kucinciwa mwa siapalo sa kopano sani sa lifu la Kaine, kutaha kwa siapalo se sisweu-twaa sa Bupilo Bobusafeli, se si fiwa ki Munyali. Mi kihona ba ka ya kwa Mulalelo wa Sinawenga zazi leliňwi, mwa Linzwi le li bonahalizwe la zuho. Lumeleza cwalo, Mulena. Tatuba lipilu, sicaba ha sinze si libelezi ku Wena. Ka Libizo la Jesu!

[Muzwale Branham ukala kuňuňuna *Na Mu Lata*—Mu.]

<sup>393</sup> Cwale, tatuba fela pilu ya hao, muzwale waka, kezela ka, mulikana ka. Ni bile ni mina fa nako yetelete. Ye seli myahayemashumi amalalu cwalo. Kana Ni kile na mi bulelela sika ka Libizo la Mulena se si si ka ezahala? [Kopano ili, “Batili.”—Mu.] Mubate Kreſte cwale ha mu sa na ni kolo ya kueza cwalo. Ikona kuba cwanoňu kuli mu ka palelwa. Mwabona? Wakona kunanuha fa sipula, ka nako kaufela, sa kukupela batu sa Hae; mi uka lila ka pilu ya hao kaufela, wakona ku cika, wakona kubulela ka malimi, wakona kumata mata kwa ni kwa fa bulilo, wakona kueza kaufela so bata, ni kuikopanya kwa keleke ifi kaufela mwa lifasi, hakuna sika, hakusana se si kona kutapisa si—si sibi sa hao. Kipeto u eza sikamaňi, ukai fo he cwale?

<sup>394</sup> Kihande, Na lumela, ka pilu yaka kaufela, sipula si sa li teni. Ni lumela kuli U sa liteni fa Lubona lwa Múlimu. Kono cwanoňu Uka nanuha cwale, ni kutaha, ku to nga Sa liuluzi. U eza musebezi wa Muliululi wa Lubasi, Ruti inza libelezi.

<sup>395</sup> Kono cwanoňu, mwa ziba, kasamulaho Boazi amano eza musebezi wa kuliulula, kona ataha ku to ikungela lifa la hae. Mi ona seo kona Bibele luli se ibulezi kuli U ezize, “Na tile mi anga Buka.” Kipeto milapelo i felile; Wa zwa fa Lubona; hakusana Mali fa Sipula sa Sishemo. Mi kipeto iba sikamaňi he? Sipula sa Katulo.

<sup>396</sup> Musike mwa libelela kubulelwe, leliñwi la mazazi aa kuli, “Ne ni nahana kuli Kungelwa ku ka ezahala.” Ni kuutwa Linzwi li bulela kuli, kale, “Ki kale fo i ezahalezi.” Mulimu ami tuse!

Cwale halu inamiseni litoho za luna.

<sup>397</sup> Muzwale Neville, taha, ku to lukulula kamba kaufela zo bata kueza. Mulimu ami fuyole kaufela, kufitela kamuso busihu. 

*LISWAYO LA BUNE* LOZ63-0321

(The Fourth Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kutilizwe lwa pili mwa Sikuwa la Bune manzibwana, Liatamanyi 21, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)